

摘藻堂四庫全書薈要

經部

欽定四庫全書薈要

經部
禮記集說卷五

詳校官編修臣程嘉謨



欽定四庫全書薈要卷二千二百九十三


經部

禮記集說卷五

元 陳澧 撰

禮器第十

器有二義一是學禮者成德器之美一是行禮者明用器之制


禮器是故大備大備盛德也禮釋回增美質措則正施則行其在人也如竹箭之有筠也如松柏之有心也二者居天下之大端矣故貫四時而不改柯易葉故君子有禮則外諧而內無怨故物無不懷仁鬼神饗德

以禮為治

身之器故能大備其成人之行至於大備則其德盛矣
禮之為用能消釋人回邪之心而增益其材質之美措
諸身則無往不正施諸事則無往不達以人之一身言
之如竹箭之有筠足以致飾於外如松柏之有心足以
貞固於內箭竹之小者也筠竹之青皮也大端猶言大
節二物比他草木有此大節故能貫串四時而柯葉無
所改易也君子之人惟其有此禮也故外人之疎遠者
無不諧協內人之親近者無所怨憾人歸其仁神歆其
德也先王之立禮也有本有文忠信禮之本也義理禮之

文也無本不立無文不行

先王制禮廣大精微惟忠信者能學之然而纖悉委曲之

間皆有義焉皆有理焉無忠信則禮不可立昧於義理則禮不可行必內外兼備而本末具舉則文因於本而飾之也不為過本因於禮也者合於天時設於地財順文而用之也中其節矣

於鬼神合於人心理萬物者也是故天時有生也地理

有宜也人官有能也物曲有利也故天不生地不養君

子不以為禮鬼神弗饗也居山以魚鼈為禮居澤以鹿

豕為禮君子謂之不知禮

合於天時天時有生也謂四時各有所生之物取之當合

其時設於地財地理有宜也謂設施行禮之物皆地之所產財利也然土地各有所宜之產不可強其地之所

無如此自然順鬼神合人心而萬物各得其理也人官有能謂助祭執事之官各因其能而任之蓋人各有能

有不能也物曲有利者謂物之委曲各有所利如麴蘖利於為酒醴桐竹利於為琴笙之類也天不生謂非時

之物地不養如山之類故必舉其定國之數以為禮之大

經禮之大倫以地廣狹禮之薄厚與年之上下是故年

雖大殺衆不匡懼則上之制禮也節矣

定猶成也數稅賦所入之數也

王制言祭用數之仂禮非財不行故必以此數為行禮
經常之法也禮之大倫以地之廣狹天子諸侯卿大夫
地有廣狹故禮之倫類不同地廣者禮備地狹者禮降
也禮之厚薄則與年之上下為等王制言豐年不奢凶
年不儉是專言祭禮此兼言諸禮耳大殺謂年凶而稅
歛之入大有減殺也匡與恒通恐也衆不匡懼謂無溝
壑之憂也此其制禮有節財不禮時為大順次之體次
過用故能如此○殺色介切

之宜次之稱次之堯授舜舜授禹湯放桀武王伐紂時

也詩云匪革其猶聿追來孝

時者天之所為故為大堯舜湯武之事不同者各隨

其時耳聖王受命得天下必定一代之禮制或因或革
各隨時宜故云時為大也順體宜稱四者下文析之詩
大雅文王有聲之篇革急也猶與猷通謀也聿惟也言
文王之作豐邑初非急於成已之謀惟欲追先人之事
而致其方來之孝以不墜先業耳今詩文作匪棘其天
欲適追來孝○稱去聲革音棘或革革如字適音聿天

地之祭宗廟之事父子之道君臣之義倫也

王者父事天母事地

故天地宗廟父子君臣四者乃自然社稷山川之事鬼

神之祭體也

社稷山川鬼神之神各隨其體之喪祭之輕重而為禮之隆殺故曰體次之

用賓客之交義也

既於義不得不然必須羔豚而祭百

官皆足大牢而祭不必有餘此之謂稱也諸侯以龜為

寶以圭為瑞家不寶龜不藏圭不臺門言有稱也

諸侯有國

宜知占詳吉凶故以龜為寶也家謂大夫也大夫卑不當寶藏五等諸侯各有圭璧以為瑞信又以天子所賜

如祥瑞之降於天故以為瑞大夫非為君使不得執故不當藏之臺門者門之兩旁築土為臺於其上起屋大

夫不然各稱其分守也故曰稱禮有以多為貴者天子次之○大音泰使去聲分音問

七廟諸侯五大夫三士一

一廟下士也適士則二廟○適音的

天子之豆

二十有六

此天子朔食之豆數

諸公十有六

上公也更相朝時堂上之豆數○更平聲

諸侯十有二

通侯伯子男也亦相朝時堂上之豆數

上大夫八下大夫六

皆謂主國食使臣堂上之豆數○食音嗣使去聲

諸侯七介七牢大夫五介五

牢

介副也上介一人餘為衆介牢太牢也謂諸侯朝天

七子男五今言七舉中以言之也大夫五介五牢者諸

侯之大夫為君使而來各降其君二等此五介五牢謂

侯伯之卿亦

天子之席五重諸侯之席三重大夫再重

天子祫祭其席五重諸侯席三重者謂相朝時賓主天

皆然也三重則四席再重則三席○重平聲下節同

子崩七月而葬五重八筵諸侯五月而葬三重六筵大

夫三月而葬再重四筵此以多為貴也

五重者謂抗木與茵也茵以藉

棺用淺色緇布夾為之以茅秀及香草著其中如今褥

子中用絮然縮者二橫者三為一重抗木所以抗載於

土下棺之後置抗木於槨之上亦橫者三縮者二上加

抗席三此為一重如是者五則為五重也筵見檀弓

有以少為貴者天子無介祭天特牲

介所以佐賓天子以天下為家無為

賓之義故無介也特獨也

天子適諸侯諸侯膳以犢諸侯相朝灌用

鬱鬯無籩豆之薦大夫聘禮以脯醢

天子祭天惟用一牛若巡守而過諸

侯之境則諸侯奉膳亦止一牛其尊君之禮亦如君之尊天也諸侯相朝享禮畢主君酌鬱鬯之酒以獻賓不用籩豆之薦者以其主於相接以芬芳之德不在散味也大夫出使行聘禮主國禮之酌以酒而又有脯醢之薦此見少者貴多天子一食諸侯再大夫士三食力無

者賤也○守去聲

數餐餐也位尊者德盛其飽以德不在於食味故每一餐輒告飽須御食者勸侑乃又餐故云一食也諸侯則再餐而告飽大夫士則三餐而告飽皆待勸侑則再食食力自食其力之人農工商賈庶人之屬也無德不

仕無祿代耕禮不下庶人
故無食數飽即自止也
大路繁纓一就次路繁纓七

就殷世尚質其祭天所乘之車木質而已無別雕飾謂
之大路繁馬腹帶也纓鞅也在馬膺前染絲而織以

為罽五色一帀曰就就猶成也繁與纓皆以此罽為之
車朴素故馬亦少飾也大路之下有先路次路次路殷

之第三路也供卑雜之用故就數多郊特牲云次路五
就此蓋誤為七就○繁音盤罽音寄帀作答切俗作匝

圭璋特圭璋形制見考工記諸侯朝王以圭朝后則執
璋玉之貴者不以他物儷之故謂之特言獨用

之也周禮小行人掌合六幣圭以馬璋以皮然皮琥璜
與馬皆不升堂惟圭璋特升於堂亦特之義也

爵琥為虎之形璜則半環之形也此二玉下於圭璋不
可專達必待用爵蓋天子享諸侯及諸侯自相享至

酬酒時則以幣將送酬爵又有琥
璜之玉以將幣故云琥璜爵也
鬼神之神之祭單席鬼神
異於

人不假多重諸侯視朝大夫特士旅之此以少為貴也
以為溫暖也
君視朝之時於大夫則特揖之謂每人一揖也旅衆也士卑無問人數多少君一揖而已

貴者宮室之量器皿之度棺槨之厚丘封之大此以大

為貴也有以小為貴者宗廟之祭貴者獻以爵賤者獻

以散尊者舉觶卑者舉角五獻之尊門外缶門內壺君

尊瓦甒此以小為貴也

爵一升觶二升觶三升角四升散五升○疏曰特牲云主人獻

尸用角佐食洗散以獻尸是尊者小卑者大按天子諸侯及大夫皆獻尸以爵無賤者獻以散之文禮文散亡不具也特牲主人獻尸用角者下大夫也特牲少牢禮尸入舉奠觶是尊者舉觶特牲主人受尸酢受角飲者

是卑者舉角此是士禮耳天子諸侯祭禮亡五獻子男之享禮也凡王享臣及其自相享行禮獻數各隨其命子男五命故知五獻是子男列尊之法門外缶者缶尊名盛酒在門外壺亦尊也盛酒在門內君尊子男之尊也子男用瓦甒為尊不云內外則陳之在堂人君面尊而專惠也其壺缶但飲諸神小尊近君大尊在門是以小為貴壺大一石瓦甒五斗缶又大於壺○量去聲散如字觶音志甒音武有以高為貴者

天子之堂九尺諸侯七尺大夫五尺士三尺天子諸侯

臺門此以高為貴也

九尺以下之數皆謂堂上高於堂下也考工記堂崇三尺是殷制此

周制耳臺門見前章

有以下為貴者至敬不壇掃地而祭天子諸

侯之尊廢禁大夫士於禁此以下為貴也

封土為壇郊祀則不壇至

敬無文也禁與檼皆承酒樽之器木為之禁長四尺廣二尺四寸通局足高三寸漆赤中畫青雲氣菱苕華為飾刻其足為褰帷之形檼長四尺廣二尺四寸深五寸無足亦畫青雲氣菱苕華為飾也檼是舉名禁者因為酒戒也天子諸侯之尊廢禁者廢去其禁而不用也大

夫士檼禁者謂大夫用檼士用禁也檼一名斯禁見鄉

飲酒禮○埽去聲檼於據切

禮有以文為貴者天子龍

輦與同兩手對舉之車也

袞諸侯黼大夫黻士玄衣纁裳天子之冕朱綠藻十有二旒諸侯九上大夫七下大夫五士三此以文為貴也

龍袞畫龍於袞衣也白與黑謂之黼黼如斧形刺之於裳黑與青謂之黻其狀兩已相背亦刺於裳也纁赤色冕祭服之冠也上玄下纁前後有旒前低一寸二分以其略俛而謂之冕冕同而服異一袞冕二鷩冕三毳冕

四絺冕五玄冕各以服之異而名之耳冕之制雖同而
旒有多少朱綠藻者以朱綠二色之綠為繩也以此繩
貫玉而垂於冕以為旒周用五采此言朱綠或是前代
之制十有二旒者天子之冕前後各十二旒每旒十二
玉玉之色以朱白蒼黃玄為次自上而下徧則又從朱
起袞冕十二旒鷩冕九旒毳冕七旒絺冕五旒玄冕三
旒此數雖不同然皆每旒十二玉縹玉五采也此皆周
時天子之制諸侯九上大夫七下大夫五士三此亦非
周制周家旒數隨命數詳見儀禮冕弁圖○疏曰諸侯
雖九章七章以下其中有黼也孤絺冕而下其中有黻
故特舉黼黻而言耳詩采芣苢云玄衮及黼是特言黼終
南云黻衣繡裳是特言黻也陳氏曰藻潔而文衆采如
之故有以素為貴者至敬無文父黨無容大圭不琢大
曰藻

美不和大路素而越席犧尊疏布鼯禪杓此以素為貴

也敬之至者不以文為美如祭天而服羔裘亦是尚質素之意折旋揖讓之禮容所以施於外賓見父之

族黨自當以質素為禮不為容也大圭天子所搢者長三尺不琢不為鐫刻文理也大羹太古之羹也肉汁無鹽梅之和後王存古禮故設之亦尚玄酒之意大路殷祭天之車朴素無飾以蒲越為席犧尊刻為犧牛之形讀為娑音者謂畫為鳳羽娑娑然也此尊以麤疏之布為覆鼎禪白木之有文理者杓沃盥之具也○琢讀為篆大音泰和去聲越音活犧讀為孔子曰禮不可不省莎鼎莫力切禪音展杓市約切

也禮不同不豐不殺此之謂也蓋言稱也

省察也禮之等雖不同而

各有當然之則豐則踰殺則不及惟稱禮之以多為貴之為善○省悉井切殺色介切稱去聲

者以其外心者也德發揚詡萬物大理物博如此則得

不以為貴乎故君子樂其發也

用心以致備物之享則心在於物故曰外

心然所以貴於備物者聖人蓋見夫天地之德發揚昭著盛大溥徧於萬物是其理之所該者大故物之所成者博如此豈得不以為貴乎此制禮之君子所以樂其用心於外以制備物也○訓音許樂吾教切

之以少為貴者以其內心者也德產之致也精微觀天

下之物無可以稱其德者如此則得不以少為貴乎是

故君子慎其獨也

散齊致齊祭神如在皆是內心之義惟其主於存誠以期感格故不以備

物為敬所以然者蓋有見夫天地之德所以發生萬彙者其流行賦予之理密緻而精微即大傳所言天地絪縕萬物化醇也縱使徧取天下所有之物以祭天地終不能稱其德而報其功不若事之以誠敬之為極致是

以行禮之君子主於存誠於內以交神明也慎獨者存誠之事也○致音治直二切稱去聲散上聲齊音齋予

上聲古之聖人內之為尊外之為樂少之為貴多之為美

是故先王之制禮也不可多也不可寡也唯其稱也如尊

中庸尊德性之尊恭敬奉持之意也尊其在內之誠敬故少物亦足以為貴樂其在外之儀物必多物乃可以

為美宜少者不可多宜多者不可寡或是故君子大牢稱其內或稱其外也○樂音洛稱去聲

而祭謂之禮匹士大牢而祭謂之攘謂之禮稱也謂之攘不稱也○疏曰

匹偶也士賤不得特使為介乃行故謂之匹士管仲鏹庶人稱匹夫者惟與妻偶耳○大音泰使去聲

簋朱絃山節藻梲君子以為濫矣管仲齊大夫鏹簋有雕鏤之飾也絃冕

之繫以組為之自領下屈而上屬於兩旁之筭垂餘為
纓天子朱諸侯青大夫士緇山節刻山於柱頭之斗拱
也藻水草也藻稅畫藻於梁上之短晏平仲祀其先人
柱也此皆管仲僭禮之事濫放濫也

豚肩不揜豆澣衣濯冠以朝君子以為隘矣晏平仲亦齊大夫大

夫祭用少牢不合用豚周人貴肩肩在俎不在豆此但
喻其極小謂併豚兩肩亦不足以掩豆故假豆言之耳
上言不豐不殺此舉管晏之事以明之管仲豐而不稱
晏子殺而不稱者也隘陋也是故君子之

行禮也不可不慎也衆之紀也紀散而衆亂禮所以防範人心綱

維世變前篇言壞國喪家亡孔子曰我戰則克祭則受

人必先去其禮○壞音怪

福蓋得其道矣記者引孔子之言而釋之曰夫子所以能此二者蓋以得其行之道也君

子曰祭祀不祈不麾蚤不樂葆大不善嘉事牲不及肥

大薦不美多品

君子曰記者自謂也祭有常禮不為祈私福也周禮大祝掌六祈小祝有祈福

祥之文皆是有故則行之不在常祀之列麾快也祭有常時不以先時為快葆猶葆也器幣之小大長短自有定制不以褻大為可樂也嘉事冠昏之禮奠告有常儀不為善之而更設他祭牲不及肥大及猶至也如郊牛之角繭栗宗廟角握社稷角尺各有所宜用不必須並及肥大也薦祭之品味有定數不以多品為美也○樂音洛大祝孔子曰臧文仲安知禮夏父弗綦逆祀而弗

止也

臧文仲魯大夫臧孫辰夏父弗綦人姓名也魯莊公薨立適子閔公閔公薨立僖公僖公者莊公之

庶子閔公之庶兄也僖公薨子文公立二年八月裕祭太廟夏父弗綦為宗伯典禮移閔公置僖公之下是臣

居君之上逆亂尊卑不可之大者時人以文仲為知禮
孔子以其為大夫而不能止逆祀之失豈得為知禮乎

○夏上聲父燔柴於奧夫奧者老婦之祭也盛於盆尊
音甫纂音忌

於瓶

此亦言藏文仲不能正失禮之事周禮以實柴祀
日月星辰有大火之次故祭火神則燔柴也今弗

纂為禮官謂纂神是火神遂燔柴祭之是失禮矣禮祭
至尸食竟而祭纂神宗婦祭饔纂烹者祭饗纂其神則
先炊也故謂之老婦惟盛食於盆盛酒於瓶卑賤之祭
耳雖卑賤而必祭之者以其有功於人之飲食故報之
也○奧讀為禮也者猶體也體不備君子謂之不成人
纂盛平聲

設之不當猶不備也禮有大有小有顯有微大者不可
損小者不可益顯者不可揜微者不可大也故經禮三

百曲禮三千其致一也未有入室而不由戶者

體人身也先王

經制大備如人體之全具矣若行禮者設施或有不當亦與不備同也大者損之小者益之揜其顯著其微是不當也禮以敬為本一者敬而已未有入室而不由戶者豈有行禮而不由敬乎○朱子曰禮儀三百便是儀禮中士冠諸侯冠天子冠禮之類此是大節有三百條如始加再加三加又如坐如尸立如齊之類皆是其中小目呂與叔云經便是常行底緯便是變底恐不然經中自有常有變緯中亦自有常有變○趙氏曰經禮如冠昏喪祭朝覲會同之類曲禮如進退升降俯仰揖遜之類○當去聲

君子之於禮也有

所竭情盡慎致其敬而誠若有美而文而誠若

誠實也若語解

謂以少者小者下者素者為貴是內心之敬無不實者以多者大者高者文者為貴美而有文是外心之實者

君子之於禮也有直而行也有曲而殺也有經而等也有順而討也有擗而播也有推而進也有放而文也有

放而不致也有順而撫也

親始死而哭踊無節是直情而徑行也故曰直而行父在

則為母服期尊者在則卑者不杖是委曲而減殺之也故曰曲而殺父母之喪無貴賤皆三年大夫士魚俎皆十五是經常之禮一等行之也故曰經而等順而討者順其序而討去之若自天子而下每等降殺以兩是也擗而播者芟取在上之物而播施於下如祭俎之肉及羣臣而胞翟之賤者亦受其惠是也推而進者推卑者使得行尊者之禮如二王之子孫得用王者之禮及旅酬之禮皆得舉解於其長是也冕服旗常之章采樽壘之刻畫是放而文也公侯以下之服其文采殺於天子而不敢極致是放而不致也撫猶拾取也雖拾取尊者

之禮而行之不謂之僭逆如君沐梁士亦沐梁又有君大夫士一節者是順而撫也言君子行禮有此九者不可不知也○殺色介

三代之禮一也民共由之或素或

切擗音芟放上聲

青夏造殷因

殷尚白夏尚黑素即白也青近於黑不言白黑而言素青變文耳此類皆制作之末

舉此以例其餘則前之創造後之因仍皆可知矣○朱子曰三綱五常禮之大體三代相繼皆因之而不能變其所損益不過文章制

周坐尸詔侑武方其禮亦然其

度小過不及之間而已

道一也

承上夏造殷因而言三代尸禮之異周之禮尸即位而坐詔者告尸以威儀之節侑者勸尸為

飲食之進詔與侑皆祝官之職祝不止一人無方謂無常人也宗廟中可告之事皆得告之也亦然亦如殷之

禮也禮同本於道之同故夏立尸而卒祭殷坐尸

夏之禮尸

云其道一也○武讀為無

當飲食則暫坐若不飲食則惟立以
俟祭事之終也殷則尸雖無事亦坐
周旅酬六尸曾子

曰周禮其猶釀與

周家祫祭之時羣廟之祖皆聚於后稷廟中后稷尸尊不與子孫為酬酢

毀廟之祖又無尸故惟六尸而已此六尸自為昭穆次序行旅酬之禮故曾子言周家此禮其猶世俗之釀與釀斂錢共飲酒也錢之所斂者均則酒之所飲必均此六尸之旅酬如釀飲之均平也○釀其庶切與平聲

君子曰禮之近人情者非其至者也郊血大饗腥三獻

燭一獻孰

近者為褻遠者為敬凡行禮之事與人情所欲者相近則非禮之極至者其事本多端此

獨舉血腥燭孰四者之祭以明之者禮莫重於祭故也郊祭天也郊祀與大饗三獻皆有血腥燭孰此各言者據先設者為主也郊則先設血後設腥燭孰大饗祫祭宗廟也腥生肉也去人情稍近郊先薦血大饗則迎尸

時血與腥同時薦獻酌酒以薦獻也祭社稷及五祀其禮皆三獻故因名其祭為三獻也燔沉肉於湯也其色略變去人情漸近矣此祭血腥與燔一時同薦但當先者設之在前當後者設之居後據宗伯社稷五祀初祭降神時已埋血據此則正祭薦燔時又薦血也一獻祭羣小祀也祀早酒惟一獻用孰肉無血腥燔三者蓋孰肉是人情所食最為褻近以其是故君子之於禮也非神卑則禮宜輕也○燔音潛

作而致其情也此有由始也是故七介以相見也不然

則已慤三辭三讓而至不然則已蹙

作如作聰明之作過意為之也言先

王制禮之初一以誠敬為本乃天理人情之極致後世守而行之非過意而故為極致之情也此由始於古也上公之介九人侯伯七人子男五人此舉其中而言之兩君相見必有介副之人以伸賓主之情不如此則太

愿慤而無禮之文矣已太也三辭三讓者賓初至大門
外交擯之時有三辭之禮及入大門主君每門一讓則
賓一辭凡三辭三讓而後至廟中也故魯人將有事於
不如如此則太迫蹙而無禮之容矣

上帝必先有事於類宮晉人將有事於河必先有事於

惡池齊人將有事於泰山必先有事於配林三月繫七

日戒三日宿慎之至也

此因上章言兩君相見之禮漸次而進故言祭祀之禮亦有漸

次由卑以達尊者魯人將祭上帝必先有事類宮類宮諸侯之學也魯郊祀以后稷配先於類宮告后稷然後郊也厚池并州川之小者河之從祀也配林林名泰山之從祀也帝牛必在滌三月繫繫牲於牢也七日戒散齊也三日宿致齊也敬慎之至如此故以積漸為之何敢迫蹙而行之乎○類音判惡音呼池徒何切從去聲

故禮有擯詔樂有相步溫之至也

禮容不可急遽故賓主相見有擯相者以

詔告之樂工無目必有扶相其行步者此二者皆溫藉之至也溫藉之義如玉之有承藉然言此擯詔者是承

藉賓主相步者是承藉樂工也○相去聲溫於羹切 禮也者反本脩古不忘其初

者也故凶事不詔朝事以樂

本心之初天所賦也貴於反思而不忘禮制之初聖

所作也貴於脩舉而不墜二者皆有初故曰不忘其初擗踊哭泣不待詔告以其發於本心之自然也朝廷養老尊賢之事必作樂以樂之亦以愜其本心之願望也此二者是反本之事 醴酒之用玄酒

之尚割刀之用鸞刀之貴莞簟之安而橐鞬之設

醴酒之美

用矣而列尊在玄酒之下今世割刀之利便於用矣而宗廟中乃不用割刀而用古之鸞刀下莞上簟可謂安

矣而設橐鞬之麤者為郊祀之席此三者是脩古之事
驚鈴也刀環有鈴故名驚刀割肉欲中其音節郊特牲

云聲和而後斷也莞蒲之細者可為席簟竹席也橐鞬
除去穀之稭也鞬與禹貢桔字同○莞音官簟徒黠切

橐古老切鞬江八是故先王之制禮也必有主也故可
切中去聲斷上聲

述而多學也有主主於反本脩古也但以此二者求之則可以稱述而學之不厭矣君子

曰無節於內者觀物弗之察矣欲察物而不由禮弗之
得矣故作事不以禮弗之敬矣出言不以禮弗之信矣

故曰禮也者物之致也

無節於內言胃中不能通達禮之節文也觀物弗之察言雖見

行禮之事不能審其得失也察物而不由禮以察之何
以能得其是非之實作事而不由禮何以能存其主敬

之心出言而不由禮何以能使人之信其言故曰禮者事物之極致也 是故昔先王之制

禮也因其財物而致其義焉爾故作大事必順天時爲

朝夕必放於日月爲高必因丘陵爲下必因川澤是故

天時雨澤君子達亶亶焉

財物幣玉牲牢黍稷之類無財無物不可以行禮故先王制禮

必因財物而致其用之之義焉然財物皆天時之所生故祭祀之大事亦必順天時而行之如啟蟄而郊龍見而雩始殺而嘗閉蟄而烝皆是也大明生於東故春朝朝日必於東方月生於西故秋莫夕月必於西方爲高上之祭必因其有丘陵而祭之爲在下之祭必因其有川澤而祭之一說爲高爲圓丘也爲下爲方丘也祭有輕重皆須財物故當天時之降雨澤也君子知夫天地生成財物之功如此乎勉勉而不已也則安得不用財

物為禮以致其報本之誠乎○朝音潮放
上聲鹽音尾見音現春朝朝如字莫音暮是故昔先王

尚有德尊有道任有能舉賢而置之聚衆而誓之是故

因天事天因地事地因名山升中于天因吉土以饗帝

于郊升中于天而鳳皇降龜龍假饗帝于郊而風雨節

寒暑時是故聖人南面而立而天下大治

置如置諸左右之置謂使

之居其位也禮莫重於祭當大事之時必擇有道德才能者執其事又從而誓戒之周禮冢宰掌百官之誓戒是也因天之尊而制為事天之禮因地之卑而制為事地之禮郊社是也中平也成也巡守而至方岳之下必因此有名之大山升進此方諸侯治功平成之事以告於天舜典柴岱宗即其禮也告土王者所卜而建都之

地也兆於南郊歲有常禮其瑞物之臻休徵之應理或然耳而後世封禪之說遂根著於此牢不可破皆鄭氏祖緯說啟之也○假音格守音狩應禪並去聲著陟略切

天道至教聖人至德廟堂

之上壘尊在阼犧尊在西廟堂之下縣鼓在西應鼓在

東君在阼夫人在房大明生於東月生於西此陰陽之

分夫婦之位也君西酌犧象夫人東酌壘尊禮交動乎

上樂交應乎下和之至也

天道陰陽之運極至之教也聖人禮樂之作極至之德也

無以復加故以至言壘尊夏后氏之尊也犧尊周尊也縣鼓大應鼓小設禮樂之器一以西為上故犧尊縣鼓皆在西而壘尊與應鼓皆在東也天子諸侯皆有左右房此夫人在西房也君在東而西酌犧象夫人在西而

東酌罍尊此禮交動乎堂上也縣鼓應鼓相應於堂下
是樂交應乎下也罍尊畫為山雲之形犧尊畫鳳羽而
象骨飾之故亦曰犧象此章言諸侯時祭之禮○禮也
犧音莎縣音玄應去聲分音問夫如字復扶又切

者反其所自生樂也者樂其所自成是故先王之制禮
也以節事脩樂以道志故觀其禮樂而治亂可知也遽

伯玉曰君子之人達故觀其器而知其工之巧觀其發

而知其人之知故曰君子慎其所以與人者萬物本乎天
人本乎

祖禮主於報本反始不忘其所由生也王者功成治定
然後作樂以文德定天下者樂文德之成以武功定天
下者樂武功之成非泛然為之也節事為人事之儀則
也道志宣其湮鬱也世治則禮序而樂和世亂則禮慝

而樂淫故觀禮樂而治亂可知也蘧伯玉衛大夫名瑗言君子之心明睿洞達觀器用則知工之巧拙觀人之發動舉措則知其人之智愚豈有觀禮樂而不知治亂乎禮樂者與人交接之具君子致謹於此以其所關者大也故曰蓋古有是言而記者稱大廟之內敬矣君親之耳○樂其樂音洛之知知音智

牽牲大夫贊幣而從君親制祭夫人薦盞君親割牲夫

人薦酒

君出廟門迎牲親牽以入然必先告神而後殺故大夫贊佐執幣而從君君乃用幣以告神也

殺牲畢而進血與腥則君親割制牲肝以祭神於室此時君不親獻酒惟夫人以盞齊薦獻盞齊見前篇及薦孰之時君又親割牲體然亦不獻故惟卿大夫從君命夫人薦酒也○大音泰從去聲齊去聲卿大夫從君命

婦從夫人洞洞乎其敬也屬屬乎其忠也勿勿乎其欲

其饗之也

洞洞敬之表裏無間也屬屬誠實無偽也勿勉勉不已也一云切切也命婦卿大夫之

妻也○從去聲屬音燭

納牲詔於庭血毛詔於室羹定詔於堂三

詔皆不同位蓋道求而未之得也

詔告也牲入在庭以幣告神故云納牲詔

於庭殺牲取血及毛入以告神於室故云血毛詔於室羹肉汁也定熟肉也煮之既熟將迎尸入室乃先以俎盛羹及定而告神於堂此是薦熟未食之前也道言也此三詔者各有其位蓋言求神而未得也○定丁磬切

設祭於堂為祊乎外故曰於彼乎於此乎

設祭於堂者謂薦腥燭之

時設饌在堂也祊祭之明日繹祭也廟門謂之祊設祭在廟門外之西旁故因名為祊也記者又引古語云於

彼乎於此乎言不知神於彼饗一獻質三獻文五獻察之乎於此饗之乎○祊百彭切

七獻神

獻酌酒以薦也祭羣小祀則一獻其禮質略祭社稷五祀三獻其神稍尊故有文飾五獻祭四

望山川之禮也察者顯盛詳著之貌祭先公之廟則七獻禮重心肅洋洋乎其如在之神也

大饗其

王事與三牲魚腊四海九州之美味也籩豆之薦四時

之和氣也內金示和也束帛加璧尊德也龜爲前列先

知也金次之見情也丹漆絲纁竹箭與衆共財也其餘

無常貨各以其國之所有則致遠物也其出也肆夏而

送之蓋重禮也

大饗祿祭也言王事者明此章所陳非諸侯所有之事也三牲牛羊豕也腊獸

也少牢禮云腊用麋籩豆所薦品味皆四時和氣之生成內金納侯邦所貢之金也示和示諸侯之親附也一

說金性或從或革隨人故言和也君子於玉比德諸侯來朝璧加於束帛之上尊德也陳列之序龜獨在前以其知吉凶故先之也金在其次以人情所同欲故云見情也自三牲以下至丹漆等物皆侯邦所供貢並以之陳列或備器用與衆共財言天下公共所有之物也其餘無常貨謂九州之外蠻夷之國或各以其國所有之物來貢亦必陳之示其能致遠方之物也但不以為常耳諸侯為助祭之賓禮畢而出在無算爵之後樂工歌陔夏之樂章以送之設施如此蓋重大之禮也註讀肆為陔者周禮鐘師掌九夏尸出入奏肆夏客醉而出則奏陔夏故知此當為陔也○劉氏曰後篇言鐘次之以和居參之則此言內金示和亦取其聲之和耳見情也者見人情之和也○與平祀帝於郊敬之至也宗廟之聲內音納見音現肆音陔

祭仁之至也喪禮忠之至也備服器仁之至也賓客之

用幣義之至也故君子欲觀仁義之道禮其本也

祭天之禮

簡素至敬無文所以為敬之至仁之實事親是也事亡如事存所以為仁之至附於身附於棺皆必誠必信所以為忠之至歛之衣服葬之器具皆全備無缺莫非愛親之誠心故亦曰仁之至朝聘燕享幣有常用故幣帛篚筐將其厚意義之至也此仁與義之為君子曰甘受道皆可於行禮之際觀之故曰禮其本也

和白受采忠信之人可以學禮苟無忠信之人則禮不

虛道是以得其人之為貴也

甘於五味屬土土無專氣而四時皆王故惟甘味能

受諸味之和諸采皆以白為質所謂繪事後素也以此二者況忠信乃可學禮道猶行也道路人所共行者人無忠信則每事虛偽禮不可以虛偽行也大孔子曰誦傳曰苟非其人道不虛行○和去聲王去聲

詩三百不足以一獻一獻之禮不足以大饗大饗之禮

不足以大旅大旅具矣不足以饗帝毋輕議禮

不學詩無以言

然縱使誦三百篇之多而盡言語之長其於議禮猶槩乎未有所聞也一獻小禮亦不足以行之使能一獻不

能行大饗之禮謂祫祭也能大饗矣不能行大旅之禮謂祀五帝也能具知大旅之禮矣不能行饗帝之禮也

謂祀天也禮其可輕議乎

子路為季氏宰季氏祭逮闇而祭日不足

繼之以燭雖有強力之容肅敬之心皆倦怠矣有司跛

倚以臨祭其為不敬大矣

逮及也闇昧爽以前也偏任為跛依物為倚○跛彼義切

他日祭子路與室事交乎戶堂事交乎階質明而始行

事晏朝而退孔子聞之曰誰謂由也而不知禮乎

室事謂正

祭之時事尸於室也外人將饌至戶內人于戶受之設于尸前內外相交承接故云交乎戶也正祭之後饋尸于堂故謂之堂事此時在下之人送饌至階堂上人卽階而受取是交乎階也質正也子路權禮之宜略煩文而全恭敬故孔子善之

也○與去聲朝音潮

郊特牲第十一

陸氏曰郊者祭天之名用一牛故曰特牲○石梁王氏曰此篇皆記祭事而雜昏冠兩段○冠

去聲

郊特牲而社稷大牢天子適諸侯諸侯膳用犢諸侯適

天子天子賜之禮大牢貴誠之義也故天子牲孕弗食

也祭帝弗用也

禮有以少為貴者故此二者皆貴特牲而賤大牢也犢未有牝牡之情故云貴

其誠慤○朱子曰萬物本乎天人本乎祖故以所出之祖配天地周之后稷生於姜嫄以上更推不去文武之功起於后稷故配天須以后稷嚴父莫大於配天宗祀文王於明堂以配上帝即天也聚天之神而言之則謂之上帝又曰古時天地定是不合祭日月山川百神亦無合共一時祭享之禮又曰五峯言無北郊只祭社便是此說却好○今按召誥用牲于郊牛二蔡氏以為祭天地非也牛二帝牛稷牛也社于新邑祭地也故用大牢○大音泰
大路繁纓一就先路三就次路五就
郊血大饗腥三獻燭一獻孰至敬不饗味而貴氣臭也

臭亦氣也餘並見前篇○繁音盤

諸侯為賓灌用鬱鬯灌用臭也大饗

尚殷脩而已矣

諸侯來朝以客禮待之是為賓也在廟中行三享畢然後天子以鬱鬯之酒灌

之諸侯相朝亦然明貴氣臭之義也周禮作裸字上公再裸而酢侯伯一裸而酢子男一裸不酢裸則使宗伯

酌圭瓚而裸之酢則賓酌主也此大饗謂王饗諸侯也脯加薑桂曰殷脩行饗之時雖設大牢之饌而必先設

殷脩於筵前然後設餘饌故云尚殷脩也此明不享味之義○殷丁亂切大饗君三重席而

酢焉三獻之介君專席而酢焉此降尊以就卑也

此大饗是

諸侯相朝主君饗客之禮諸侯之席三重今兩君禮敵故席三重之席而受客之酢爵也若諸侯遣卿來聘卿禮當三獻其上介則是大夫故謂之三獻之介大夫席雖再重今為介降一等止合專席君席雖三重今徹去

兩重就單席受此介之酢爵是降國
君之尊以就大夫之卑也○重平聲
饗禘有樂而食嘗

無樂陰陽之義也凡飲養陽氣也凡食養陰氣也故春

禘而秋嘗春饗孤子秋食耆老其義一也而食嘗無樂

飲養陽氣也故有樂食養陰氣也故無聲凡聲陽也春饗

饗孤子也禘春祭宗廟也孤子死事者之子孫食秋食

耆老也嘗秋祭宗廟也周之禮春祠夏禴秋嘗冬烝春

禴夏殷之禮也饗禮主於酒食禮主於飯周鼎俎奇而

制則四時之祭皆有樂○禘讀為禴食音嗣

籩豆偶陰陽之義也籩豆之實水土之品也不敢用褻

味而貴多品所以交於旦明之義也自一鼎至九鼎皆奇數其十鼎者陪

鼎三則正鼎亦七也十二鼎者陪鼎三則正鼎亦九也
正鼎鼎別一俎故云鼎俎奇也籩豆偶者據周禮掌客
及前篇所舉皆是偶數又詳見
儀禮圖○奇居衣切且讀為神
賓入大門而奏肆夏示

易以敬也卒爵而樂闋孔子屢歎之奠酬而工升歌發
德也歌者在上匏竹在下貴人聲也樂由陽來者也禮

由陰作者也陰陽和而萬物得

燕禮則大門是寢門饗禮則大門是廟門也肆

夏樂章名九夏見周禮易以敬言和易中有嚴敬之節
也卒爵而樂闋謂賓至庭而樂作賓爭獻爵拜而樂止
及主人獻君樂又作君卒爵而樂止也歎之歎美之也
奠酬而工升歌謂奠置酬爵之時樂工升堂而歌所以
發揚主賓之德故云發德也匏竹笙也樂所以發陽道
之舒暢禮所以肅陰道之收斂一闔一闢而萬事得宜

也○易旅幣無方所以別土地之宜而節遠邇之期也

龜為前列先知也以鍾次之以和居參之也虎豹之皮

示服猛也束帛加璧往德也

旅陳也庭實所陳之幣非一方所貢故曰無方以土

地之產各有所宜而地里有遠近則入貢之期日有先後也前篇言金次之此言鍾次之蓋金之為器莫重於鍾故變文言之也金示和而參居庭實之間故云以和居參之也君子於玉比德往德者言往進此比德之玉

於有德之人也庭燎之百由齊桓公始也

此以下言朝聘失禮之事

庭燎者庭中設炬火以照來朝之臣夜入者大戴禮言天子百燎上公五十侯伯子男三十今侯國皆供百燎

自桓公大夫之秦肆夏也由趙文子始也

大射禮公升即席奏肆夏

燕禮賓及庭秦肆夏是諸侯之禮
今大夫之僭自晉大夫趙武始

朝覲大夫之私覲非

禮也大夫執圭而使所以申信也不敢私覲所以致敬

也而庭實私覲何為乎諸侯之庭為人臣者無外交不

敢貳君也

朝覲之禮國君親往而大夫從則大夫不當又以已物而私覲主君故曰非禮也若大夫

執其君之命圭而專使則當行私覲之禮以申已之信故從君朝覲而不敢私覲是敬已之君也今從君以來

而私設庭實以為私覲大夫何可為此於諸侯之庭乎譏其與君無別也人臣無外交不敢貳心於他君所以

從君而行則不敢私覲也○使去聲 大夫而饗君非禮也大夫強而君殺

之義也由三桓始也

大夫富強而其饗禮以饗君以臣召君故曰非禮大夫強橫僭逆必

亂國家人君殺之是斷以大義也三桓魯之三家皆桓公之後也先是成季以莊公之命酖殺僖叔後慶父賊子般又弑閔公於是又殺慶父故云由三桓始○疏曰按三桓之前齊公孫無知衛州吁宋長萬皆以強盛被殺此云由三桓始者天子無客禮莫敢為主焉君適其據魯而言○般音班

臣升自阼階不敢有其室也覲禮天子不下堂而見諸

侯下堂而見諸侯天子之失禮也由夷王以下

天子所以無客

禮者以其尊無對莫敢為主故也適臣而升自主階是為主之義不敢有其室者言人臣不敢以此室為私有而主之矣况敢為主而待君為客乎覲禮天子負斧依南面侯氏執玉入是不下堂見諸侯也惟春秋夏宗以客禮待諸侯則天子以車出迎夷王諸侯之宮縣而祭康王之玄孫之子○下去聲依上聲

以白牡擊玉磬朱干設錫冕而舞大武乘大路諸侯之

僭禮也

天子之樂四面皆縣謂之宮縣諸侯軒縣則三面而已白牡殷祭之正牲後代諸侯當用時王

之牲也又諸侯當擊石磬玉磬天子樂器書言鳴球是也諸侯雖得舞大武但不得朱干設錫冕服而舞也干盾也錫者盾背之飾金為之大路殷祭天所乘之車也○縣音玄錫音陽字從易與錫異臺門而旅

樹反坫繡黼丹朱中衣大夫之僭禮也

此皆諸侯之禮兩旁起土為臺

臺上架屋而門當其中故曰臺門旅道也樹屏也立屏當所行之路以蔽內外為敬天子外屏諸侯內屏大夫以簾士以帷坫在兩楹之間兩君好會獻酬飲畢則反爵於其上故曰反坫舊讀繡為綃今如字繡黼者繡刺為黼文也丹朱染繒為赤色也繡黼為中衣之領丹朱為中衣之緣中衣者朝服祭服之裏衣也制如深衣但

袖小長耳冕服是絲衣則中衣用絹素皮弁服朝服玄
端是麻衣則中衣用布也○石梁王氏曰繡當依詩文
不可改為綃○屏音丙故天子微諸侯僭大夫強諸侯
好去聲刺音戚緣去聲

脅於此相貴以等相覲以貨相賂以利而天下之禮亂
矣諸侯不敢祖天子大夫不敢祖諸侯而公廟之設於
私家非禮也由三桓始也

相貴以等謂擅相尊貴以等
列也諸侯不敢祖天子而左

傳云宋祖帝乙鄭祖厲王魯襄十二年吳子壽夢卒臨
於周廟禮也魯以周公之故立文王廟耳大夫不敢祖
諸侯而左傳云凡邑有宗廟先君之主曰都記者以禮
之正言之而又有他義者舊說謂天子之子以上德為
諸侯者得祀其所出故魯以周公之故立文王廟公子
得祖先君公孫不得祖諸侯故公子為大夫者亦得立

宗廟於其采地故曰邑有宗廟先君之主也其王子母弟雖無功德不得出封為諸侯而食采畿內者亦得立

祖王廟於采地故都宗人家宗人掌祭祖王之廟也天自三桓始謂魯之三家立桓公廟也○臨采並去聲

子存二代之後猶尊賢也尊賢不過二代疏曰古春秋左氏說周家

封夏殷二王之後以為上公封黃帝堯舜之後謂之三恪恪者敬也敬其先聖而封其後諸侯不臣

寓公故古者寓公不繼世諸侯失國而寄寓他國者謂之寓公所寓之國不敢以之

為臣此寓公死則臣其君之南鄉答陽之義也臣之北子矣故云寓公不繼世

面答君也○答猶對也大夫之臣不稽首非尊家臣以辟

君也諸侯於天子稽首大夫於諸侯亦稽首惟家臣於大夫不稽首者非尊重家臣也以避國之正君也

蓋諸侯與大夫同在一國大夫已稽首於君矣家臣若
又稽首於大夫則似一國而兩君矣故云以辟君○辟
音避大夫有獻弗親君有賜不面拜為君之答已也
有獻弗親

者使人往獻不身自往也不面拜不親見君鄉人謁孔
之面而拜也恐煩君答拜故也○為去聲

子朝服立于阼存室神也

論語鄉人讎朝服而立於阼
階卽此事也舊說謁是強鬼

之名鄉人驅逐此鬼孔子恐驚廟室之神故衣朝服立
于廟之東階以存安廟室之神使神依已而安也禮大
夫朝服以祭故用祭服以孔子曰射之以樂也何以聽
依神○謁音傷衣去聲

何以射

何以聽謂射者何以能不失射之容節而又能
聽樂之音節乎何以射謂何以能聽樂之音節

而使射之容與樂之節相孔子曰士使之射不能則辭
應乎言其難而美之也

以疾縣弧之義也

為士者當習於射以六藝之一也。不敢以不能辭，惟可以疾辭。蓋生而設。

弧於門左，已有射道，但未能耳。今辭以疾而未孔子曰

能則亦與初生之未能相似，故云懸弧之義也。

樂恐散其

三日齊一日用之，猶恐不敬。二日伐鼓，何居？

齊者不聽

志慮也。今三日之間，乃二日擊鼓，其義何所處乎？怪之之辭。

孔子曰：繹之於庫門內，祊之於東方朝市，之於西方失之矣。

繹祭之明日又祭也。繹是堂上接尸。

祊是於室內求神，皆一時之事。繹之禮當於廟門外之西堂。今乃於庫門內，祊當在廟門外西室。今乃於廟門外東方朝市，即周禮所謂朝時而市也。當於市內近東。今乃於市內西方，此三事皆違於禮，故曰失之矣。○朝

如社祭土而主陰氣也。君南鄉於北墉下，答陰之義也。

日用甲用日之始也

地秉陰則社乃陰氣之主社之主設於壇上北面而君來北牆下南

向祭之蓋社不屋惟立之壇壝而環之以牆既地道主陰故其主北向而君南向對之答對也甲為十干之首

天子大社必受霜露風雨以達天地之氣也是故喪國

之社屋之不受天陽也薄社北牖使陰明也

薄書作亳薄社於周

為喪國之社必存之者白虎通云王者諸侯必有誠社示有存亡也屋其上則天陽不入牖於北則陰氣可通陰明則物死也○喪去聲社所以神地之道也地載萬物天垂象取

財於地取法於天是以尊天而親地也故教民美報焉

家主中霤而國主社示本也

聖人知地道之大故立社以祭所以神而明之也美

報美善其報之之禮也上古穴居故有中雷之名中雷與社皆土神卿大夫之家主祭土神於中雷天子諸侯之國主祭土神於社此皆以

唯為社事單出里

社事祭社之事

示其為載物生財之本也也二十五家為里單盡也言當祭社之時一里之人盡出而供給其事蓋每家一人也○為去聲下節同單音

丹唯為社田國人畢作

為祭社之事而田獵則國中皆行無留家者

唯社

丘乘供粢盛所以報本反始也

祭社必有粢盛稷曰明粢在器曰盛此粢盛則

使丘乘供之井田之制九夫為井四井為邑四邑為丘四丘為乘也報者酬之以禮反者追之以心○乘去聲

聲盛平

李春出火為焚也然後簡其車賦而歷其卒伍而

君親誓社以習軍旅左之右之坐之起之以觀其習變

也而流示之禽而鹽諸利以觀其不犯命也求服其志

不貪其得故以戰則克以祭則受福

建辰之月大火心星昏見南方故出火以

焚除草萊焚後卽蒐田簡閱視也賦兵也歷數之也百人為卒五人為伍誓社誓衆於社也或左或右或坐或

作皆是軍旅之法習變習熟其變動之節也驅逐之際禽獸流動紛紜衆皆見之故云流示之禽鹽讀為艷艷

諸利謂使之歆艷於利也禽獸雖甚可欲而殺獲取舍皆有定制犯命者必罰不使之犯命者是求以過服其

貪利之志人君亦取之有制如大獸公之小禽私之不踰法而貪下之所得也以戰則克習民於變也祭則受

福獲牲以禮也○疏曰祭社旣在仲春此出火為焚當在仲春之月記者誤也○為去聲鹽去聲見音現數上

聲天子適四方先柴

書曰歲二月東巡守至于岱宗柴

郊之祭也迎長

日之至也

至猶到也冬至日短極而漸舒故云迎長日之至○朱子曰以始祖配天須在冬至一陽

始生萬物之始宗祀九月萬物之成父者我所自生帝者生物之祖故推以為配而祀於明堂此議方正○問

郊祀后稷以配天宗祀文王以配上帝帝只是天天只是帝却分祭何也朱子曰為壇而祭故謂之天祭於屋

下而以神祇祭之故謂之帝○今按郊祀一節先儒之論不一者有子月寅月之異有周禮魯禮之分又以郊

與圓丘為二事又有祭天與祈穀為二郊今皆不復詳辨而以朱說為定大報天而主日也

兆於南郊就陽位也掃地而祭於其質也器用陶匏以

象天地之性也

郊祭者報天之大事而主於迎長日之至祭義云配以月故方氏謂天之尊無

為可祀之以其道不可主之以其事故以日為之主焉天秉陽日者衆陽之宗故就陽位而立郊兆陶匏亦器

之質者質乃物性之本然也○掃去聲 於郊故謂之郊牲用騂尚赤也用

犢貴誠也郊之用騂也

問郊之用辛日何謂

周之始郊日以至

謂周

家始郊祀適遇冬至是辛日自後用冬至後辛日也

卜郊受命于祖廟作龜于禴

宮尊祖親考之義也

告于祖廟而行事則如受命于祖此尊祖之義作猶用也用龜以卜

而于禴宮此親考之義曲禮言大饗不問卜既用冬至則有定日此但云卜郊則非卜日矣下文言帝牛不吉

亦或此為卜牲歟然則異代之禮也

不卜之日王立于澤親聽誓命受教

諫之義也

澤澤宮也於其中射以擇士因謂之澤宮又其宮近水澤故名也其日卜竟有司即以祭

事誓戒命令眾執事者而君獻命庫門之內戒百官也亦聽受之是受教諫之義也

大廟之命戒百姓也

有司獻王所以命百官之事王乃於庫門內集百官而戒之又於大

廟之內戒其族姓之臣也○大音泰

祭之日王皮弁以聽祭報示民嚴上

也喪者不哭不敢凶服汜埽反道鄉為田燭弗命而民

聽上

祭報報白日日時早晚及牲事之備具也汜埽洒水而後埽也反道剗道路之土反之令新者在上也

鄉郊內六鄉也六鄉之民各於田首設燭照路恐王行事之早也喪者不哭以下諸事皆不待上令而民自聽

從蓋歲以為常也○汜音泛埽去聲洒去聲剗音產

祭之日王被袞以象天

象天謂有

日月星辰之章也○陳氏曰合周官禮記而考之王之祀天內服大裘外被龍袞龍袞所以襲大裘也

戴

冕璪十有二旒則天數也乘素車貴其質也旂十有二

旒龍章而設日月以象天也天垂象聖人則之郊所以

明天道也

璫與藻同素車殷之木路也旂之旒與冕之旒皆取垂下之義餘見前

帝牛不

吉以為稷牛帝牛必在滌三月稷牛唯具所以別事天

神與人鬼也萬物本乎天人本乎祖此所以配上帝也

郊之祭也大報本反始也

郊祀后稷以配天故祭上帝者謂之帝牛祭后稷者謂之

稷牛滌者牢中清除之所也此二牛皆在滌中為猶用也若至期卜牲不吉或有死傷即用稷牛為帝牛而別選稷牛也非在滌三月者不可為帝牛故以稷牛代之稷乃人鬼其牛但得具用足矣故云稷牛唯具人本乎祖故以祖配帝是郊之祭乃報本反始之大者○別必列切註如字

天子大蜡八伊耆氏

始為蜡蜡也者索也歲十二月合聚萬物而索饗之也

蜡祭八神先嗇一司嗇二農三郵表畷四貓虎五坊六水庸七昆蟲八伊耆氏堯也索求索其神也合猶閉也閉藏之月萬物各已歸根復命聖人欲報其神之有功者故求索而享祭之也○蜡音乍耆音其索色窄切

蜡之祭也主先嗇而祭司嗇也祭百種以報嗇也

嗇與牆同

先嗇神農也主如前章主日之主言為八神之主也司嗇上古后稷之官百種司百穀之種之神也報嗇謂報其教民樹藝之饗農及郵表畷禽獸仁之至義之盡也

功○種上聲

農古之田畷有功於民者郵者郵亭之舍也標表田畔相連畷處造為郵舍田畷居之以督耕者故謂之郵表畷禽獸貓虎之屬也○畷株劣切

古之君子使之必報之迎貓為其食

田鼠也迎虎為其食田豕也迎而祭之也祭坊與水庸

事也

田鼠田豕皆能害稼故食之者為有功迎者迎其神也坊隄也以蓄水亦以障水庸溝也以受水亦

以洩水皆農事之備故曰事也眉山蘇氏以為迎貓則為貓之尸迎虎則為虎之尸近於倡優所為是以子貢言一國之人皆若狂也○為去聲坊音防曰土反其宅水歸其壑昆蟲毋作

草木歸其澤

此祝辭也宅猶安也土安則無崩圯水歸則無泛溢昆蟲謂螟蝗之屬害稼者作起

也草木各歸根於藪澤不得生於耕稼之土也○毋無通皮弁素服而祭素服以送

終也葛帶榛杖喪殺也蜡之祭仁之至義之盡也

物之助成

歲功者至此而老老則終矣故皮弁素服葛帶榛杖以送之喪禮之殺也此為義之盡祭報其功則仁之至也

周禮籥章云國祭蜡則歛豳頌擊土鼓以息老物○殺色介切歛吹同黃衣黃冠而祭息

田夫也野夫黃冠黃冠草服也

以月令臘先祖五祀勞農以休息之此祭是也黃

冠為草野之服其詳未聞○勞去聲

大羅氏天子之掌鳥獸者也諸侯貢

屬焉草笠而至尊野服也

諸侯鳥獸之貢屬大羅氏之掌其使者戴草笠是尊野服

○使去聲羅氏致鹿與女而詔客告也以戒諸侯曰好田好

女者亡其國

鹿者田獵所獲女則所俘於亡國者客貢使也使者將返羅氏以鹿與女示使者以

王命詔之使歸告其君而以王言戒之曰好田獵好女色者必亡其國舊說如此然鹿可歲得而亡國之女不

恆有其詳未聞也○好去聲使去聲

天子樹瓜華不斂藏之種也

瓜華瓜與果蔬

之屬也天子所種者瓜華供一時之用而已不是收歛
久藏之種也若可收歛久藏之物則不樹之惡與民爭
利也此亦令使者歸告八蜡以記四方四方年不順成
戒其君之事○種上聲

八蜡不通以謹民財也順成之方其蜡乃通以移民也

既蜡而收民息已故既蜡君子不興功記四方者因蜡祭而記其豐凶

也蜡祭之禮列國皆行之若其國歲凶則八蜡之神不
得與諸方通祭所以使民知謹於用財不妄費也移者
寬縱之義蓋歲豐則民財稍可寬舒用之也黨正屬民
飲酒始雖用禮及其飲食醉飽則亦縱其酣暢為樂夫
子所謂一日之澤是也農民終歲勤動而於此時得一
日之樂是上之人勞農之美意也既蜡之後收歛積聚
民皆休息故不興起事功也○移去
聲屬音濁樂音洛勞去聲積音志

恒豆之苴水草之

和氣也其醢陸產之物也加豆陸產也其醢水物也

豆恆

每日常進之豆也周禮醢人所掌朝事之豆註謂清朝未食先進口食也菹酢菜也水草昌本茹菹之類加豆周禮註謂尸既食后亞獻尸所加進之豆但醢人所掌是天子之禮此言諸侯之禮物既不同此朝事之豆與祭禮饋食薦孰之豆俱為恆豆而加豆則祭末醢尸所用也水物若醢醢魚醢是也菹醢皆以豆盛之○菹茲切居遵豆之薦水土之品也不敢用常褻味而貴多品所以交於神明之義也非食味之道也先王之薦可食也而不可耆也卷冕路車可陳也而不可好也武壯而不可樂也宗廟之威而不可安也宗廟之器可用也而不

可使其利也所以交於神明者不可同於所安樂之義也

不可奢謂食之有節不可貪愛舊說謂質而無味不能悅口不可好謂尊嚴之服器不可以供玩愛武萬舞大武也以示壯勇之容不可常為娛樂宗廟威嚴之地不可寢處以自安宗廟行禮之器不可利用以為便交神明之義如此○奢音嗜卷音酒醴之美玄酒明水之尚貴五味之本衮好去聲樂音洛

也黼黻文繡之美疏布之尚反女功之始也莞簟之安而蒲越橐鞮之尚明之大羹不和貴其質也大圭不琢美其質也丹漆雕幾之美素車之乘尊其樸也貴其質而已矣所以交於神明者不可同於所安樂之甚也如是而后

宜

未有五味之初先有水故水為五味之本未有黼黻先有麤布故疏布為女功之始周禮司烜氏掌以鑒取明

水於月蓋取其潔也明之昭其禮之異也雕刻鏤之也幾漆飾之畿限也安褻之甚言甚安甚褻也宜猶稱也餘並

見前○越音活夫音泰和去聲幾音祈來去聲稱去聲

鼎俎奇而遵豆偶陰陽之義

也黃目鬱氣之上尊也黃者中也目者氣之清明者也言

酌於中而清明於外也

黃目黃羹也百罍之類以黃金鏤其外以為目因名焉用貯鬱鬯之

酒有芬芳之氣故云鬱氣中中央之色也奇偶見前○奇音基

祭天掃地而祭焉於其質

而已矣醯醢之美而煎鹽之尚貴天產也割刀之用而鸞

刀之貴貴其義也聲和而后斷也

鹽以煎鍊而成故曰煎鹽必用鸞刀者取其鸞

鈴之聲調和而後斷割其肉也貴其冠義始冠之緇布
義是貴聲和之義○掃去聲斷上聲

之冠也大古冠布齊則緇之其緇也孔子曰吾未之聞

也冠而敝之可也冠義言冠禮之義也冠禮三加先加緇布冠是太古齊時之冠也緇布為

之不用筭用頰以圍髮際而結於項中因綴之以固冠耳不聞有垂下之緇也此冠後世不復用而初冠暫用

之不忘古也冠禮既畢則敝棄之可矣玉藻云緇布冠續緇是諸侯位尊盡飾故也然亦後世之為耳○石梁

王氏曰冠一段當附冠義○冠義始冠冠而去聲之冠古冠如字齊側皆切緇如追切頰犬藥切適子

冠於阼以著代也醮於客位加有成也三加彌尊喻其

志也冠而字之敬其名也著代顯其為主人之次也酌而無酬酢曰醮客位在戶牖

之間加有成加禮於有成之人也三加始冠緇布冠次加皮弁又次加爵弁也喻其志者使其知廣充志意以稱尊服也此適子之禮若庶子則冠於房戶外南面醺亦戶外也夏殷之禮醺用酒每一加而一醺周則用醴三加畢乃總一體也○委貌周道也章甫殷道也母追適音的冠去聲稱去聲

夏后氏之道也

委貌章甫母追皆緇布冠但三代之易名不同而其形制亦應異耳是皆先王

制禮之道故皆以道言之委貌卽立冠舊說委安也言所以安正容貌章明也所以表明丈夫毋發聲之辭追

猶椎也以其形名之此一條是論三加始加之冠○母音牟追音堆

周弁殷冔夏收

周之

之冔夏之收各是時王所制以為三加之冠舊說弁名出於槃槃大也冔名出於撫撫覆也收所以收斂其髮

也形制未聞○冔音調覆去聲

三王共皮弁素積

皮弁以白鹿皮為之其服則十五升之布

也白與冠同以素為裳而辟積其要中故云
皮弁素積也三代皆以此為再加之冠服
無大夫冠

禮而有其昏禮古者五十而後爵何大夫冠禮之有諸

侯之有冠禮夏之末造也
諸侯大夫之冠一如士禮行之下章所謂無生而貴者也

夏之末造言夏之末世所為耳天子之元子士也天下無生而貴者也

繼世以立諸侯象賢也以官爵人德之殺也死而謚今

也古者生無爵死無謚
元子適長子也其冠亦行士之冠禮無生而貴言有德乃有位

也立諸侯以繼其先世以其能法前人之賢行也以官爵人必隨其德之大小而為降殺也死必有謚今日之

變禮也殷以前大夫以上乃為爵死則有謚
周制雖爵及命士死不謚也○殺色介功
禮之所尊

尊其義也失其義陳其數祝史之事也故其數可陳也其義難知也知其義而敬守之天子之所以治天下也

先王制禮皆有精微之理所謂義也禮之所以為尊以其義之可尊耳玉帛俎豆各有多寡厚薄之數數之陳列者人皆可得而見義之精微者不學則不能知也祝史其能知之乎中庸曰明乎郊社之禮禘嘗之義治國其如示諸掌乎此總天地合而后萬物興焉夫昏禮萬結前章冠義以下

世之始也取於異姓所以附遠厚別也幣必誠辭無不腆告之以直信信事人也信婦德也壹與之齊終身不

改故夫死不嫁

附遠附猶託也託於遠嫌之義也厚別重其有別之禮也幣誠辭腆是欲告戒

為婦者以正直誠信之行信其能盡事入之道信其能
有為婦之德也此以下言昏禮之義○鄭氏曰齊謂共
牢而食同尊卑也○石梁王氏曰昏一男子親迎男先
段當附昏義○取遠並去聲別必列切

於女剛柔之義也天先乎地君先乎臣其義一也執摯
以相見敬章別也男女有別然後父子親父子親然後
義生義生然後禮作禮作然後萬物安無別無義禽獸

之道也

先謂倡道之也執摯奠鴈也行敬以明其有別
次云敬章別也有別則一本而父子親親親之

殺則義生禮作而萬物各得其所矣禽獸知有母壻親
而不知有父無別故也○迎先並去聲別必列切壻親

御授綏親之也親之也者親之也敬而親之先王之所

以得天下也出乎大門而先男帥女女從男夫婦之義
由此始也婦人從人者也幼從父兄嫁從夫夫死從子
夫也者夫也夫也者以知帥人者也

親御婦車而授之綏是親愛之義也

親之乃可使之親已故曰親之也者親之也太王爰及
姜女文王親迎于渭皆是敬而親之之道以至於有天
下故曰先王之所以得天下也大門女家之門也先壻
車在前也女從男婦車隨之也夫也者丈夫也丈夫者
以才智帥人者也○先
去聲帥入聲知音智

玄冕齊戒鬼神陰陽也將以為

社稷主為先祖後而可以不致敬乎

服玄冕而致齊戒是事鬼神之道鬼

者陰之靈神者陽之靈故曰鬼神陰陽也今昏禮者蓋
將以主社稷之祭祀承先祖之宗廟也可不以敬社稷

與先祖之禮敬之而玄
冕齊戒乎○齊音齋

共牢而食同尊卑也故婦人無

爵從夫之爵坐以夫之齒器用陶匏尚禮然也三王作

牢用陶匏厥明婦盥饋舅姑卒食婦餽餘私之也舅姑

降自西階婦降自阼階授之室也昏禮不用樂幽陰之

義也樂陽氣也昏禮不賀人之序也

牢俎也尚禮然謂古來所尚之禮如

此共牢之禮雖三王所作而俎之外器用皆如古者之用陶匏重夫婦之始也厥明昏禮之明日也盥饋盥潔而饋食也人之序謂相承代之有虞氏之祭也尚用氣

次序也

○卒子恤切餽音俊

有虞氏之祭也尚用氣

血腥燭祭用氣也

尚用氣以用氣為尚也初以血詔神於室次薦腥肉於堂燭次腥亦

薦於堂皆未熟故云用氣殷人尚聲臭味未成滌蕩其此以下至篇末皆言祭禮

聲樂三闋然後出迎牲聲音之號所以詔告於天地之

閒也

牲未殺則未有臭味故云臭味未成滌蕩宣播之意鬼神在天地間與陰陽合散同一理而聲音之

感無閒顯幽故殷人之祭必先作樂三終然後出而迎牲於廟門之外此是欲以此樂之聲音號呼而詔告於兩閒庶幾其聞之而來格來享也殷人先求諸陽凡聲陽也○號平聲無閒閒去聲幾平聲 周人尚

臭灌用鬯臭鬱合鬯臭陰達於淵泉灌以圭璋用玉氣

也既灌然後迎牲致陰氣也

周人尚氣臭而祭必先求諸陰故牲之未殺先酌鬯

酒灌地以求神以鬯之有芳氣也故曰灌用鬯臭又擣鬱金香草之汁和合鬯酒使香氣滋甚故云鬱合鬯也

以臭而求諸陰其臭下達於淵泉矣灌之禮以圭璋為
瓚之柄用玉之氣亦是尚臭也灌後乃迎牲是欲先致
氣於陰以求神故云致陰氣也○石梁王氏曰四臭字
本皆句絕然細別之毫灌之地此臭之陰者也蕭炳上
達此臭之陽者也蕭合黍稷臭陽達於牆屋故既奠然
亦有義姑從釋文

後炳蕭合羶薌凡祭慎諸此

蕭香蒿也取此蒿及牲之脂管合黍稷而燒之使其

氣旁達於牆屋之間是以臭而求諸陽也此是周人後
求諸陽之禮既奠謂薦孰之時蓋堂上事尸禮畢延尸
於戶內而薦之孰祝先酌酒奠於銅羹之南而尸猶未
入蕭脂黍稷之燒正此時也馨香即黍稷也既奠以下
是明上文炳蕭之時非再炳也此是天子諸侯之禮魂
非大夫士禮也○炳如悅切羶音馨薌音香管音聊
氣歸于天形魄歸于地故祭求諸陰陽之義也殷人先

求諸陽周人先求諸陰詔祝於室坐尸於堂用牲於庭
升首於室直祭祝於主索祭祝於祊不知神之所以在
彼乎於此乎或諸遠人乎祭于祊尚曰求諸遠者與

詔告

也詔祝於室謂天子諸侯之祭朝事之時祝取牲之脾
臂燎於爐炭而入告神於室也坐尸於堂者灌盥之後
尸坐戶西南面也用牲於庭謂殺牲也升首於室升牲
之首也直祭正祭也祭以薦孰為正正祭之時祝官以
祝辭告於神主如云薦歲事于皇祖伯某甫是也索求
也求索其神靈而祭之則祝官行祭于祊也祊有二一
是正祭時設祭于廟又求神於廟門之內而祭之詩云
祝祭于祊此則與祭同日一是明日繹祭祭於廟門之
外也於彼於此言神在於彼室乎在於此堂乎或諸遠
人者或遠離於人而不在廟乎尚庶幾也祭于祊庶幾

可求之於遠處乎○索音色遠
去聲與平聲腭音律離去聲
祊之為言倮也肝之為

言敬也富也者福也首也者直也相饗之也嘏長也大
也尸陳也毛血告幽全之物也告幽全之物者貴純之

道也

倮遠也承上文求諸遠者而言尸有肝俎是主人
敬尸之俎也人君嘏辭有富以福言也牲體首在

前升首而祭取其與神坐相直也相詔侑也所以詔侑
於尸欲其享此饌也尸使祝致嘏辭于主人嘏有長久
廣大之義也尸神象當為主之義今以訓陳記者誤耳
殺牲之時先以毛及血告神者血在內是告其幽毛在
外是告其全也貴純者貴其表裏

皆善也○倮音諒

所音祈相去聲

血祭盛氣也祭肺肝

心貴氣主也祭黍稷加肺祭齊加明水報陰也取腍

燔燎升首報陽也明水沅齊貴新也凡沅新之也其謂之明水也由主人之絜著此水也

有血有氣乃為生物
血由氣以滋死則氣

盡而血亦枯矣故血祭者所以表其氣之盛也肺肝心
皆氣之所舍故云氣主周祭肺殷祭肝夏祭心也祭泰
稷加肺者謂尸隋祭之時以黍稷蕪肺而祭也祭齊加
明水謂尸正祭之時陳列五齊之尊又加明水之尊也
祖考形魄歸地屬陰而肺於五行屬金金水陰也故加
肺加明水是以陰物而報陰靈也脾腎腸閒脂也先燔
燎于爐至薦孰則合蕭與黍稷燒之黍稷陽也牲首亦
陽體魂氣歸天為陽此以陽物報陽靈也明水陰鑑所
取月中之水沅猶清也涕澼五齊而使之清故云沅齊
所以設明水及沅齊者貴其新潔也凡沅新之也專主
沅齊而言故下文又釋明水之義絜著絜淨而明著也
自月而生故謂之明周禮五齊一泛齊二醴齊三盎齊

四緹齊五沈齊○齊去聲脾
音律腎音僚沈音稅隋音灰

君再拜稽首肉袒親割敬

之至也敬之至也服也拜服也稽首服之甚也肉袒服

之盡也祭稱孝孫孝子以其義稱也稱曾孫某謂國家

也祭祀之相主人自致其敬盡其嘉而無與讓也

服者服順

於親也拜服也謂再拜是服順也稽首為服順之甚肉袒為服順之盡言服順之誠在內今又肉袒則內外皆服矣故云服之盡祭主於孝士之祭稱孝孫孝子是以祭之義為稱也諸侯有國卿大夫有家不但祭祖與禘而已其祭自曾祖以上惟稱曾孫故云稱曾孫某謂國家也蓋大夫三廟得事曾祖也上士二廟事祖禘中下士一廟祖禘共之相詔侑於尸也相者不告尸以讓腥蓋是主人敬尸自致其誠敬盡其嘉善無所與讓也

肆燭臚祭宣知神之所饗也主人自盡其敬而已矣舉

斚角詔安尸古者尸無事則立有事而后坐也尸神象

也祝將命也

祭之為禮或進腥體或薦解剔或進湯沈或薦炙孰宣知神果何所享乎主人不過

盡其敬心而已耳斚與角皆爵名詔告也安安也尸始即席舉斚角之時祝告主人拜尸以安安其坐前篇言夏立尸而卒祭此言古者蓋指夏時也夏之禮尸無事則立有飲食之事然後得坐也尸所以象所祭者故曰

神象為祝者先以主人之辭告神後以神之辭酌用茅辭敬主人故曰將命○肆讀為剔臚而審切

明酌也

縮汙也酌斟酌也謂醴齊濁汙而後可斟酌故云縮酌也用茅者以茅覆藉而汙之也周禮三

酒一曰事酒二曰昔酒三曰清酒事酒為事而新作者其色清明謂之明酌言欲汙醴齊則先用此明酌和之

然後用茅以泝之也○泝音
舛齊去聲覆去聲為去聲 醖酒沉于清汁獻沉于醖

酒 醖酒盛齊也沉泝也清謂清酒也清酒冬釀接夏而
成盛齊差清先和以清酒而後泝之故云醖酒沉于

清以其差清故不用茅也汁獻謂摩挲柜鬯及鬱金之
汁也柜鬯中有煮鬱又和以盛齊摩挲而泝之出其香

汁故云汁獻沉于醖酒也○疏曰以事酒泝醖齊清酒
泝盛齊今泝柜鬯乃用盛齊而不以三酒者五齊卑故

用三酒泝之柜鬯尊故用五齊泝之也○醖猶明清與
側眼切獻讀為莎齊去聲差楚宜切和去聲

醖酒于舊澤之酒也 上文所泝三者之酒皆天子諸侯
之禮作記之時此禮已廢人不能

知其法故言此以曉之曰泝醖齊以明酌泝醖酒以清
酒泝汁獻以醖酒者即如今時明清醖酒泝于舊澤之

酒也猶若也舊謂陳久也澤讀為醖醖者祭有祈焉有
和醖醖釀之名後世謂之醖酒○澤音亦

報焉有由辟焉

此泛言祭禮又有此三者之例如周禮所云祈福祥求永貞祈年于田祖詩言

春夏祈穀之類是祈也報謂獲福而報之祭禮多是報本之義由用也辟讀為弭如周所謂弭災兵遠罪疾之類由弭者用此以消弭齊之玄也以陰幽思也故君子之也○辟音弭遠去聲

三日齊必見其所祭者

齊而玄冠玄衣順鬼神幽黯之意且以致其陰幽之思也見其

所祭之親精誠之感也

內則第十二

疏曰閨門之內軌儀可則故曰內則石梁王氏曰此篇於曲禮之義為多

后王命冢宰降德于衆兆民

冢宰掌邦治而治國者必先齊家降德者下其德教

於民也孝為德之本故首言子事父母之道○石梁王氏曰註分后王作兩字解不通書說命后王君公后王猶言君王天子之別稱也鄭註皆非記者本意但據周禮太宰掌建邦之六典則教典在所兼統如此亦可解鄭分天子諸侯甚無意義○治國治平聲

子事父母雞初鳴咸盥漱櫛

總拂髦冠綏纓端韞紳搢笏

盥洗手也漱滌口也櫛梳也縱黑繪韞髮者以縱韞

髮作髻訖即橫挿笄以固髻總亦繪為之以束髮之本而垂餘於髻後以為飾也拂髦振去髦上之塵也髦用髮為之象幼時剪髮為髻之形此所陳皆以先後之次櫛訖加縱次加笄加總然後加髦著冠冠之纓結於頤下以為固結之餘者下垂謂之綏端玄端服也衣用緇布而裳不同上士玄裳中士黃裳下士雜裳也服玄端著韞又加紳大帶也搢紳也紳笏於帶中韞以韋為之古者席地而坐以臨俎豆故設蔽膝以備濡漬韞之言

蔽也在冕服謂之黻他服則謂之韠○項氏曰髦者以髮作偽髻垂兩眉之上如今小兒用一帶連雙髻橫繫額上是也○漱先奏切緹所買切冠如字緹儒左右佩追切韠音畢楷音薦髻音垂又音朵又音安

用左佩紛悅刀礪小觶金燧

所佩之物皆是備尊者使令之用紛以拭器悅以拭

手皆中也刀礪小刀與礪石也觶狀如錐象骨為之小觶所以解小結者金燧用以取火於日中者○悅音稅

觶音右佩玦捍管帶大觶木燧

玦射者著於右手大指所以鉤弦而開弓體也

捍拾也韜左臂而收拾衣袖以利弦也管舊註云筆彊其形制未聞帶刀室也大觶所以解大結木燧鑽火之

器睛則用金燧以取火陰則用木燧以鑽燭燭即詩所謂火也○玦音決捍音汗還音逝著音斫

燭即詩所謂燭燭也燭

束其脛自足至屨著綦著猶施也○朱子曰綦鞋口帶膝故謂之偏也屨著綦

也古人皆旋繫今人只從簡易綴之於婦事舅姑如事
上如假帶然○著音斫綦音忌旋去聲

父母雞初鳴咸盥漱櫛縱笄總衣紳

笄今之簪也衣紳玄端綃衣之上加

紳帶士妻之服也○衣如字

左佩紛帨刀礪小觴金燧右佩箴管線

纁施繫袞大觴木燧衿纓綦屨以適父母舅姑之所管箴

箴在管中也繫袞皆囊屬施繫袞者為貯箴線纁也衿結也纓香囊也○纁音曠繫音盤袞陳乙切衿其鵠切

為去及所下氣怡聲問衣燠寒疾痛苛癢而敬抑搔之

出入則或先或後而敬扶持之進盥少者奉槃長者奉

水請沃盥盥卒授巾問所欲而敬進之柔色以溫之苛

也抑按搔摩也溫承藉之義謂以柔順之色承藉尊者之意若藻藉之承玉然○煥音郁瘡以想切少去聲奉

長並上聲饘醢酒醴芼羹菽麥蕡稻黍粱秫唯所欲厚

粥醢薄粥也芼羹以菜雜肉為羹也蕡大
麻子○醢音移芼音冒蕡音焚秫音述 棗栗飴蜜以

甘之董苴粉榆兔薨滫瀡以滑之脂膏以膏之父母舅

姑必嘗之而後退 飴餈也董菜名苴似董而葉大榆之
白者名粉兔新鮮者薨乾陳者言董

苴粉榆四物或用新或用舊也滫瀡說文久泔也瀡滑也
滫瀡滫之滑者也凝者為脂釋者為膏甘之滑之膏之

皆謂調和飲食之味也此篇所記飲食珍羞諸物古今
異制風土異宜不能盡曉然亦可見古人察物之精用

物之詳也○飴音怡董音謹苴音九兔音問薨
音考滫思酒切瀡音髓膏之膏音告和去聲 男女未

冠笄者雞初鳴咸盥漱櫛縱拂髦總角衿纓皆佩容臭

昧爽而朝問何食飲矣若已食則退若未食則佐長者

視具

總角總聚其髮而結束之為角童子之飾也容臭香物也助為形容之飾故言容臭以纓佩之後世

香囊即其遺制昧晦也爽明也昧爽欲明未明之時○冠去聲朝音潮

凡內外雞初鳴咸

盥漱衣服歛枕簟灑掃室堂及庭布席各從其事孺子

蚤寢晏起唯所欲食無時

古人枕席之具夜則設之曉則歛之不以私褻之用示人

也○簟徒點切掃去聲

由命士以上父子皆異宮昧爽而朝慈以

旨甘日出而退各從其事日入而夕慈以旨甘

慈愛也謂敬愛

其親故以旨甘之味致其愛各從其事者各治其所當為之事也晚朝為夕○鄭氏曰異宮崇敬也○上上聲

父母舅姑將坐奉席請何鄉將衽長者奉席請何趾少

者執牀與坐御者舉几歛席與簞縣衾篋枕歛簞而襦

之將坐旦起時也奉坐席而鋪者必問何向衽卧席也將衽謂更卧處也長者奉此卧席而鋪必問足向何

所牀說文云安身之几坐非今之卧床也將坐之時少者執此牀以與之坐御侍者舉几進之使之憑以為安

臥必簞在席上旦起則歛之而簞又以襦韜之者以親身恐穢汚也衾則束而懸之枕則貯於篋也○奉上聲

鄉去聲懸音玄篋結父母舅姑之衣衾簞席枕几不傳

杖屨祗敬之勿敢近敦牟庖區非餽莫敢用與恆食飲

非餽莫之敢飲食

傳移也謂此數者每日置之有常處子與婦不得輒移置他所也近謂挨

偏之也敦與年皆盛黍稷之器年讀為莖土釜也此器則木為之象土釜之形耳庖酒器匱盛水漿之器此四器皆尊者所用子與婦非餽其餘無敢用此器也與及也及尊者所常食飲之物子與婦非餽餘不敢擅飲食之也○敦音對庖音父母在朝夕恆食子婦佐餽既食支匱音移餽音俊

恒餽父沒母存冢子御食羣子婦佐餽如初旨甘柔滑

孺子餽

佐餽者勸勉之使食而後餽其餘也既食恒餽者盡食其常食之餘也御食侍母食也如初如

父在時也在父母舅姑之所有命之應唯敬對進退周旋慎

齊升降出入揖遊不敢噦噫噓咳欠伸跛倚睇視不敢

唾洩

應之辭唯為恭噦嘔逆之聲也莊子大塊噫氣詩願言則噫咳嗽聲也氣乏則欠體疲則伸偏任為

跛依物為倚睇視傾視也洩自鼻出者○應去聲唯上聲齊音齋噦於月切噫於界切噫音帝咳苦愛切跛彼

義切睇音替寒不敢襲褻不敢搔不有敬事不敢袒裼不第洩音替

涉不褻褻衣衾不見裏

襲重衣也袒與裼皆禮之敬故非敬事不袒裼也不因涉水則

不揭裳不見裏為其可穢○擬音鰕見音現為去聲父母唾洩不見冠帶垢和灰

請漱衣裳垢和灰請澣衣裳綻裂紃箴請補綴

唾洩不見謂即

刷除之不使見示於人也澣澣皆洗濯之事和灰如今人用灰湯也以線貫箴為紃○見音現澣平聲澣胡管

女陳切綴音拙紃直覓切紃紃五日則燂湯請浴三日具沐其閒面垢

燂潘請醕足垢燂湯請洗少事長賤事貴共帥時

燂溫也潘

泚米汁也醕洗面也共帥時皆循是禮也○燂詳廉切潘音翻醕音悔帥音率

男不言內女不

言外非祭非喪不相授器其相授則女受以篚其無篚

則皆坐句奠之而后取之

男正位乎外不當於外而言內庭之事女正位乎內不當

於內而言相外之事惟喪祭二事乃得以器相授受者以祭為嚴肅之地喪當急遽之時乃無他嫌也非此二

者則女必執篚使授者置之篚中也皆坐男女皆跪也授者跪而置諸地則受者亦跪而就地以取之也○相

間外內不共井不共湑浴不通寢席不通乞假男女不

通衣裳內言不出外言不入男子入內不嘯不指夜行

以燭無燭則止女子出門必擁蔽其面夜行以燭無燭

則止道路男子由右女子由左

湏浴室也不嘯不指謂聲容有異駭人視聽也

舊讀嘯為叱今詳嘯非家庭所發之聲宜其不可叱或有常發者如見非禮舉動安得不叱以儆之乎讀如本

字為是擁猶障也由右子婦孝者敬者父母舅姑之命

勿逆勿怠

子而孝父母必愛之婦而敬舅姑必愛之然猶恐其恃愛而於命或有所違也故以勿逆

勿怠若飲食之雖不啻必嘗而待加之衣服雖不欲必

服而待

嘗而待服而待皆謂俟尊者察其不啻不欲而改命之則或置之或藏去乃敢如己意也○飲

去聲食音

加之事人代之已雖弗欲姑與之而姑使之

而后復之

尊者任之以事而已既為之矣或念其勞又使他代人代為已意雖不以為勞而不欲其代

然必順尊者之意而姑與之若慮其為之不如已意姑教使之及其果不能而後已復為之也子婦有

勤勞之事雖甚愛之姑縱之而寧數休之

謂雖甚愛此子婦而不忍

其勞然必且縱使為之而寧數數休息之必使終竟其事而後已不可以姑息為愛而使之不事事也○數音

朔子婦未孝未敬勿庸疾怨姑教之若不可教而后怒

之不可怒子放婦出而不表禮焉

庸用也怒之謹責之也不可怒謂雖謹責

之而不改也雖放逐其子出棄其婦而不表明其失禮之罪示不終絕之也父母有過下氣

怡色柔聲以諫諫若不起敬起孝說則復諫不說與

其得罪於鄉黨州閭寧孰諫父母怒不說而撻之流血

不敢疾怨起敬起孝

疏曰孰諫謂純熟殷勤而諫若物之成熟然○說音悅復扶又切

父母有婢子若庶子庶孫甚愛之雖父母沒沒身敬之

不衰

婢子賤者之所生也若及也或也沒身終身也父母之所愛亦愛之至於犬馬盡然而況於人乎

子有二妾父母愛一人焉子愛一人焉由衣服飲食由

執事毋敢視父母所愛雖父母沒不衰

由自也不敢以私愛違父母之

情故也

子甚宜其妻父母不說出子不宜其妻父母曰是

善事我子行夫婦之禮焉沒身不衰

宜猶善也大戴禮婦有七出不順父

母一無子二淫三妬四惡疾五多言六竊盜七三不去
有所受無所歸不去曾經三年喪不去前貧賤後富貴
不去○父母雖沒將為善思貽父母令名必果將為不
說音悅

善思貽父母羞辱必不果舅沒則姑老家婦所祭祀賓

客每事必請於姑介婦請於冢婦

老謂傳家事於長婦也然長婦猶不敢專

行故祭祀賓客之事必稟問焉介婦衆婦也

舅姑使冢婦毋怠不友無禮於

介婦

石梁王氏曰友謂當作敢者是○劉氏曰使以事使之也母禁止辭不友者不愛也無禮者不敬也

言舅姑以事命冢婦則冢婦當自任其勞不舅姑若使可怠於勞而怨介婦不助已遂不愛敬之也

介婦毋敢敵耦於冢婦

劉氏曰敵耦者欲求分任均勞之意言舅姑若以事使介婦為

之則介婦亦當自任其勞不可謂已與冢婦為敵耦欲求均配其勞也

不敢並行不敢並

命不敢並坐

又言介婦之與冢婦分有尊卑非惟任事母敢敵耦亦且不敢比肩而行不敢並受

命於尊者不敢並出命於卑者蓋介婦當請命於冢婦也坐次亦必異列

凡婦不命適私室

不敢退婦將有事大小必請於舅姑子婦無私貨無私

畜無私器不敢私假不敢私與

鄭氏曰家事統於尊也適如字畜許六切

婦或賜之飲食衣服布帛佩帨蒞蘭則受而獻諸舅姑

舅姑受之則喜如新受賜若反賜之則辭不得命如更

受賜藏以待之

或賜之謂私親兄弟也蒞蘭皆香草也受之則如新受賜不受則如更受賜孝

愛之至也不得命者不見許也待乏婦若有私親兄弟待尊者之乏也○荏昌改切又音齒

將與之則必復請其故句賜而后與之

故即前者所獻之物而舅姑不

受者雖藏於私室今必請於尊者既許然後取以與之也

適子庶子祇事宗子宗婦

雖貴富不敢以貴富入宗子之家雖衆車徒舍於外以

寡約入

疏曰適子謂父及祖之適子是小宗也庶子謂適子之弟宗子謂大宗子宗婦謂大宗子之婦

○適音的舍如字去聲

子弟猶歸器衣服裘衾車馬則必獻其上

而后敢服用其次也若非所獻則不敢以入於宗子之

門不敢以貴富加於父兄宗族

猶若也謂子弟中若有以功德顯榮而蒙尊上

歸遺之以器用衣服等物則必獻其上等者於宗子而自服用其次者若非宗子之爵所當服用而不可獻者則已亦不敢服用之以入宗子之門也加高也○遺去聲若富則具二牲獻其賢者

於宗子夫婦皆齊而宗敬焉終事而后敢私祭

賢猶善也齊而

宗敬謂齊戒而往助祭事以致宗廟之敬也私祭祖禰則用二牲之下者飯黍稷稻粱白黍

黃粱稭樵

飯之品有黃黍稷稻白粱白黍黃粱凡六其穀熟而獲之則曰得生獲之曰樵樵是歛縮

之名以生獲故其物縮歛也此諸侯之飯天子又膳

膳腳

膳醢牛炙

腳牛醢膳羊醢膳豕醢皆香美之名也醢字衍當刪牛炙炙牛肉也此四物為四豆

共為一行○膳目諸膳之品腳音香醢音熏醢音醢炙音拓炙牛如字醢音壑行音杭

醢牛醢醢

牛膾

醢肉醬也牛截切牛肉也并醢與牛膾四物為四豆是第二行○截側吏切

羊炙羊臠

醢豕炙

此四物為四豆是第三行

醢豕臠芥醬魚膾

此四物為四豆是第四行共十

六豆下大禮也

雉兔鷄鶩

此四物為四豆列為第五行共二十豆則上大夫之禮也○鷄音淳

晏音

飲重醴稻醴清糟黍醴清糟梁醴清糟或以醢為

醴黍醢漿水醢濫

醴者稻黍梁三者各為之已汙者為清未汙者為糟是三醴各有清有糟

也以清與糟相配重設故云重醴蓋致飲於賓客則燕設之也以醢為醴釀粥為醴也黍醢以黍為粥也漿醋

水也醢梅漿也濫雜糗飯之屬和水酒清白
祭之酒也○飲目諸飲之品重平聲醢音倚

事酒昔酒俱白故以白名之有事而羞糗餌粉醢
飲者謂之事酒無事而飲者名昔酒
羞糗餌粉醢
羞蓬

之實糗餌粉餐此配字當讀為餐記者誤耳許慎云餐
稻餅也炊米擣之粉餐以豆為粉糝餐上也糗炒乾米
麥也擣之以為餌蓋先屑為粉然後搜之餌之言堅潔
若玉珥也餐之言滋也○糗起九切餌音二配自私切
食蝸醢而苾食雉羹麥食脯羹雞羹折稊犬羹兔羹和

糝不蓼

此言進飯之宜蝸與螺同苾雕胡也脯羹析脯為羹也徐稻析稊謂細折稻米為飯也此五羹

者宜以五味調和米屑為糝不須加蓼故云和糝不蓼也○食音嗣下同蝸力戈切苾音孤徐音杜和去聲糝

思散切

蓼音了濡豚包苦實蓼濡雞醢醬實蓼濡魚卵醬實蓼

濡鼈醢醬實蓼

濡讀為胹烹煮之也胹豚者包裹之以苦菜而實蓼於腹中此四物皆以蓼實

其腹而煮之也卵醬魚子為醬也三物之用醬蓋以調和其汁耳○濡音而卵音鯢股脩蜆醢脯

羹兔醢麋膚魚醢魚膾芥醬麋腥醢醬桃諸梅諸卵鹽

脰脩見前蚘醢以蚘蚘子為醢也謂食蝦脩者以蚘醢配之食脯羹者以免醢配之餘做此麋鹿之大者膚切

肉也麋腥生麋肉也諸菹也桃梅皆為菹藏之欲藏必令稍乾故周禮謂之乾蓐食之則和以卵鹽大鹽形似

鳥卵故名卵鹽也○蚘音蟬卵力管切凡食齊視春時蚘音皮蚘音浮令平聲乾音干蓐音老

羹齊視夏時醬齊視秋時飲齊視冬時鄭氏曰飯宜溫羹宜熱醬宜涼

飲宜寒也○食凡和春多酸夏多苦秋多辛冬多鹹調音嗣齊去聲

以滑甘酸苦辛鹹木火金水之所屬多其時味所以養氣也四時皆調以滑甘象土之寄歟牛宜

稌羊宜黍豕宜稷犬宜梁鴈宜麥魚宜菰上云析稌犬羹兔羹此云

牛宜稌者工是人君燕食以滋味為美此據尊者正食而言也

春宜羔豚膳膏薺夏宜

牯鰠膳膏臊秋宜犢麋膳膏腥冬宜鮮羽膳膏羶

牛膏薺天

膏臊雞膏腥羊膏羶如春時食羔豚則煎之以牛膏故云膳膏薺也餘倣此牯乾雉鰠乾魚麋鹿子鮮生魚羽鴈也舊說此膳所宜以五行衰王相參及方氏燥濕疾逆強弱之說今皆畧之○牯音渠鰠音搜臊音騷麋音迷鮮音仙王去聲牛脩鹿脯田豕脯麋脯麇脯麋鹿田豕麇皆

有軒雉兔皆有芼

疏曰麋鹿田豕麇皆有軒者言此等非但為脯又可腥食腥食之時皆以

藿葉起之而不細切故云皆有軒不云牛者牛惟可細切為膾不宜大切為軒雉兔皆有芼者為雉羹兔羹皆

有芼菜以和之○鄭氏曰軒讀為憲憲謂藿葉切也○麇俱倫切軒音憲爵鷄蜩范芝栢蔞

棋棗栗榛柿瓜桃李梅杏楂梨薑桂

蝸蟬范蜂芝如今木耳之類栢韻會

註云江淮呼小栗為栢栗菱芰也棋形似珊瑚味甜美一名白石李○鄭氏曰自牛脩至此三十一物皆人君

燕食所加庶羞也周禮天子羞用百有二十品記者不能次錄○蝸音條栢音而菱音陵棋音矩楂側加切

大夫燕食有膾無脯有脯無膾士不貳羹蔽庶人耆老

不徒食

因上文言人君燕食之物而言大夫燕食士不貳羹蔽亦謂燕食也徒猶空也不徒食言必有

饌○疏曰若朝夕常食則下云羹食自諸侯以下至於庶人無等

膾春用葱秋用芥豚

春用韭秋用蓼脂用葱膏用薤三牲用藪和用醢獸用

梅

芥芥醬也肥醢者為脂釋者為膏三牲牛羊豕也藪菜芰也和用醢以醢和三牲也獸用梅以梅和獸也

○蕤胡介切蕤音穀和去聲

鶉羹雞羹鴛鵲之蓼魴鰾烝雞燒雉薊

無蓼

鴛不為羹惟烝而巳故不曰羹此三味皆切蓼以雜和之故曰釀之蓼魴鰾二魚烝而食之故曰

魴鰾烝雞鳥之小者燒熟然後調和故云雞燒雉則或燒或烝或以為羹皆可薊謂香草若白蘇紫蘇之屬也言烝魴鰾雞及烹雉皆調和之以香草無不食句雞用蓼也○鴛音如釀尼亮切魴音防鰾音序

鼈狼去腸狗去腎狸去正脊兔去尻狐去首豚去腦魚

去乙鼈去醜

此九者皆為不利於人雖鼈伏乳者魚體中有骨如篆乙之形去之為鰾人也醜竅

也或云頸下有骨能毒人○去上聲尻苦刀切為去聲

肉曰脫之魚曰作之棗曰

新之栗曰撰之桃曰膽之柰曰攢之

脫者剥除其節膜作者搖動之

以觀其鮮鮓一說作猶斮也謂削其鱗橐則拭治而使
之新潔撰猶猶選也栗多蟲蟲宜選擇之桃多毛拭治令
青滑如膽攢之者鑽治其蟲處也此皆治擇之名○撰
須充切祖側加切攢咨官切餽餽同斮音勺治平聲蟲
同蠹

牛夜鳴則廋羊冷毛而毳羶狗赤股而躁臊鳥曉色

而沙鳴鬱豕望視而交睫腥馬黑脊而般臂漏

牛之夜鳴者其

肉廋臭羊之毛本稀冷而毛端毳結者其肉羶氣狗股
裏無毛而舉動急躁者其肉臊惡曉色色變而無潤澤

也沙嘶也鳴而其聲沙嘶者鬱謂腐臭也望視舉目高
也交睫目睫毛交也腥讀為腥肉中生小息肉如米者

也般臂前脰毛斑也漏讀為蝼謂其肉如蝼蛄臭也牛
至馬六物若此者皆不可食○廋音由冷音零毳昌銳

接曉滂表切曉音斑漏平聲
雛尾不盈握弗食舒鴈翠鵠鵠胖舒

鳧翠雞肝鴈腎鵝奧鹿胃

舒鴈鶩也翠尾肉也鴈胸側薄肉也舒鳧鴨也鵝似鴈而

大無後指奧脾臍也藏之深奧處也此九物亦不可食○鵝于嬌切脾音判鵝音保奧音郁臍音皮肉腥

細者為膾大者為軒或曰麋鹿魚為菹麇為辟雞野豕

為軒兔為宛脾切葱若薤實諸醢以柔之

細縷切者為膾大片切者為

為軒或用葱或用薤故云切葱若薤肉與葱薤皆置之醋中故云實諸醢浸漬而熟則柔軟矣故曰柔之○疏

曰為記之時無菹軒辟雞難宛脾之制作之未審舊有此言記者承而用之故稱或曰其辟雞宛脾及軒之名其

義未聞○軒音憲辟音壁宛音苑

羹食自諸侯以下至於庶人無等大

夫無秩膳大夫七十而有閣

羹與飯常日所食故無貴賤之等差秩常也五十始

命未為甚老故無常膳七十有閤則有秩膳矣閤以板為之所以度飲食之物○食音嗣差楚宜切度音已

天子之閤左達五右達五公侯伯於房中五大夫於閤

三士於坫一

疏曰宮室之制中央為正室正室左右為房房外有序序外有夾室天子尊庖厨遠

故左夾室五閤右夾室五閤諸侯卑庖厨宜稍近故於房中惟一房之中而五閤也大夫卑而無嫌故亦於夾室而三閤士卑不得為閤但於室中為土坫以度食五者三牲之肉及魚腊三者豕魚腊也凡養老

有虞氏以燕禮夏后氏以饗禮殷人以食禮周人脩而兼用之凡五十養於鄉六十養於國七十養於學達於諸侯八十拜君命一坐再至瞽亦如之九十者使人受

五十異張六十宿肉七十貳膳八十常珍九十飲食不
違寢膳飲從於遊可也六十歲制七十時制八十月制
九十日脩唯絞紵衾冒死而后制五十始衰六十非肉不
飽七十非帛不煖八十非人不煖九十雖得人不煖矣
五十杖於家六十杖於鄉七十杖於國八十杖於朝九
十者天子欲有問焉則就其室以珍從七十不俟朝八
十月告存九十日有秩五十不從力政六十不與服戎
七十不與賓客之事八十齊喪之事弗及也五十而爵

六十不親學七十致政凡自七十以上唯衰麻為喪凡
三王養老皆引年八十者一子不從政九十者其家
不從政瞽亦如之凡父母在子雖老不坐有虞氏養國
老於上庠養庶老於下庠夏后氏養國老於東序養庶
老於西序殷人養國老於右學養庶老於左學周人養
國老於東膠養庶老於虞庠虞庠在國之西郊有虞氏
皇而祭深衣而養老夏后氏收而祭燕衣而養老殷人
冔而祭縞衣而養老周人冕而祭玄衣而養老

此一節
並說見

王制曾子曰孝子之養老也

石梁王氏曰此一養字蒙上文當從上聲忠養之養當從

去聲樂其心不違其志樂其耳目安其寢處以其飲食忠

養之孝子之身終終身也者非終父母之身終其身也

是故父母之所愛亦愛之父母之所敬亦敬之至於犬

馬盡然而況於人乎

樂其心喻父母於道也不違其志能養志也飲食忠養以上是終父

母之身愛所愛敬所敬則終孝子之身也○樂音洛處上聲養去聲上上聲

凡養老五帝憲

三王有乞言五帝憲養氣體而不乞言有善則記之為

惇史三王亦憲既養老而后乞言亦微其禮皆有惇史

憲法也養老之禮五帝之世主於法其德行而已至三王之世則又有乞言之禮焉惇史所以記其惇厚之德也三王亦未嘗不法其德行然於乞言之際其禮微略不誠切以求之故云微其禮然亦皆有惇史焉○方氏曰五帝之憲也而老者未嘗無言要之以德為主耳故曰有善則記之蓋可已者言故也三王之乞言而老者未嘗無德要之以言為主耳故曰三

王亦憲○有音又行去聲要平聲 淳熬煎醢加于陸稻上沃之以膏曰淳熬也

又恐味薄故更沃之以膏此八淳母煎醢加于黍食上珍之一也○淳之純切熬音邀

沃之以膏曰淳母 疏曰母是禁辭非膳羞之體故讀為模象也蓋法象淳熬而為之但用黍

飯為異耳此八珍之二 炮取豚若將刳之剗之實棗於也○母音模食音嗣

其腹中編萑以苴之塗之以謹塗炮之塗皆乾擘之濯
手以摩之去其皽為稻粉糝溲之以為酏以付豚煎諸
膏膏必滅之鉅鑊湯以小鼎薺脯於其中使其湯毋滅

鼎三日三夜毋絕火而后調之以醯醢

此珍主於塗而燒之故以炮名

牂牡羊也剗之剗之殺而去其五藏也萑蘆葦之類苴
裹也謹讀為瑾說文黏土也擘之者擘去乾塗也濯手
以摩之去其皽謂擘泥手不淨又蕪肉熱故必濯其手
然後摩去其皽膜也糝與前章糝澹之糝同以稻米為
粉糝溲之為粥若豚則以此粥敷其外若羊則解析其
肉以此粥和之而俱煎以膏滅沒也謂所用膏沒此豚
與羊也鉅鑊湯以大鑊盛湯也脯解析之薄如脯也薺
脯香美此脯也脯在小鼎內而小鼎則置在鑊湯內湯

不可沒鼎沒鼎則水入壞脯也毋絕火微熱而已不熾
之也至食則又以醢與醢調和之此八珍之三四也○
將音詳到音睽刻音枯萑音丸苴子餘切謹音芹乾音
干擘音百去上聲敲音展輅息酒切搜所九切藏去聲

擣珍取牛羊麋鹿麇之肉必胾每物與牛若一捶反側

之去其餌孰出之去其醢柔其肉

胾夾脊肉也與牛若一謂與牛肉之多寡

均也捶擣也反捶之又側捶之然後去其筋餌既熟乃
去其醢膜而柔之以醢醢此八珍之五也○擣音島胾

音每捶主藥切漬取牛肉必新殺者薄切之必絕其理湛諸美

酒期朝而食之以醢若醢醢

絕其理橫斷其文理也湛亦漬也期朝今旦至明旦

也○醢梅漿也此八珍之六也
漬音自湛音尖期音基

為熬捶之去其醢編萑布

牛肉馬屑桂與薑以灑諸上而鹽之乾而食之施羊亦如之施麋施鹿施麇皆如牛羊欲濡肉則釋而煎之以醢欲乾肉則捶而食之

此肉於火上為之故名曰熬生擣而去其鰾膜然後布於編萑

之上先以桂薑之屑灑之次用鹽釋謂以水潤釋之也此八珍之七也○鹽去聲 糝取牛羊豕

之肉三如一小切之與稻米稻米二肉一合以為餌煎

之三如一謂三者之肉多寡均也稻米二肉肝謂一謂二分稻米一分肉也此即周禮糝食肝謂一謂二分稻米一分肉也此即周禮糝食肝

肝一幪之以其脣濡炙之舉焦其脣不舉皆也謂炙脣皆熟而焦不

食之不用麥也此八珍之八記者文不依次故間雜在糝食○幪音蒙取稻米舉糝

溲之小切狼臠膏以與稻米為酏

狼臠膏狼胸臆中之膏也此蓋以滑溲稻

米之粉而煎之以膏註讀酏為餗者以酏是粥非豆禮實也此即周禮之酏食○臠音獨酏之然切餗醴同

始於謹夫婦為宮室辨外內男子居外女子居內深宮

固門閭寺守之男不入女不出

夫婦為人倫之始不謹則亂其倫類故禮始於

謹夫婦也○鄭氏曰閭掌守中門之禁寺掌內人之禁令

男女不同施枷不敢縣於

夫之揮橈不敢藏於夫之篋笥不敢共溲浴夫不在歛

枕篋簟席襦器而藏之少事長賤事貴咸如之

施枷見曲禮植

者曰揮橫者曰橈揮橈同類之物橈以竿為之故鄭云竿謂之橈餘見前○橈音移枷音架縣音玄揮音揮笥

四音夫婦之禮唯及七十同藏無閒故妾雖老年未滿五

十必與五日之御將御者齊漱澣慎衣服櫛縱笄總角

拂髦衿纓褰屨雖婢妾衣服飲食必後長者妻不在妾

御莫敢當夕

櫛縱以下說見篇首角字衍天子之御妻八十一人當九夕世婦二十七人當三夕

九嬪九人當一夕三夫人當一夕后當一夕凡十五日

而徧五日之御諸侯制也諸侯一娶九女夫人及二媵

各有姪娣此六人當三夕次二媵當一夕次夫人專一

夕凡五日而徧也當夕當妻之夕也○閒與並去聲齊

音齋漱平妻將生子及月辰居側室夫使人日再問之

聲澣音浣作而自問之妻不敢見使姆衣服而對至于子生夫復

使人日再問之夫齊則不入側室之門

正寢在前燕寢在後側室者燕

寢之旁室也作動作之時也姆女師也○見音現姆音茂復扶又切齊側皆切

子生男子設弧

於門左女子設帨於門右三日始負子男射女否

弧弓也帨

佩巾也以此二物為男女之表負抱也

國君世子生告于君接以大牢宰

掌具三日卜士負之吉者宿齊朝服寢門外詩負之射

人以桑弧蓬矢六射天地四方保受乃負之宰醴負子

賜之束帛卜士之妻大夫之妾使食子

接以大牢者以大牢之禮接見

其子也宰宰夫也掌具掌其設禮之具也卜士負之者卜其吉者而使之抱子也詩承也儀禮言尸酢主人詩

懷之亦承義射天地四方者期其有事於遠大也保保
母也受乃負之受子於士而抱之也蓋士之負子特為
斯須之禮而已宰既掌其故以醴禮負子之士仍賜束
帛以酬之食子謂乳養之也今按此言世子生接以大
牢特言其常禮如此耳下文又言接子擇日則亦或在
始生三日之後也鄭氏謂食其母使補虛強氣讀接為
捷而訓為勝其義迂方氏讀如本字今凡接子擇日豕
從之○大音泰齊音齋射音石食音嗣

子則大牢庶人特豚士特豕大夫少牢國君世子大牢

其非豕子則皆降一等

豕子大牢謂天子之元子也○大音泰少去聲

異為孺

子室於宮中擇於諸母與可者必求其寬裕慈惠溫良

恭敬慎而寡言者使為子師其次為慈母其次為保母

皆居子室他人無事不往

諸母衆妾也可者謂雖非衆妾之列或傳御之屬可為子

師者也此人君養子之禮師教以善道者慈母審其欲惡者保母安其寢處者他人無事不往恐兒驚動也

三月之末擇日剪髮為髻男角女羈否則男左女右是

日也妻以子見於父貴人則為衣服由命士以下皆漱

澣男女夙興沐浴衣服具視朔食夫入門升自阼階立

于阼西鄉妻抱子出自房當楣立東面

髻所存留不翦者也夾兩旁

當角之處留髮不翦者謂之角雷頂上縱橫各一相交通達者謂之羈嚴氏云夾兩曰角兩髻也午達曰羈三

髻也貴人大夫以上也由自也具視朔食者所具之禮如朔食也朔食天子大牢諸侯少牢大夫特豕士特豚

也入門入側室之門也側室亦南向故有阼階姆先相西階出自房自東房而出也○翳音采鹵音蔥

曰母某敢用時日祇見孺子夫對曰欽有師父執子之

右手咳而名之妻對曰記有成遂左還授師子師辯告

諸婦諸母名妻遂適寢

某妻姓某氏也時日是日也孺稚也欽敬帥循也言當敬教之

使循善道也咳而名之者說文咳小兒笑聲謂父作咳聲笑容以示慈愛而名之也記有成謂當記識夫言教之成德也授師以子授子師也諸婦同族卑者之妻也諸母同族尊者之妻也後告諸母欲名成於尊也妻遂適寢復夫之燕寢也○相去聲見音現師

入聲咳戶才切還音旋辯音徧識音志

夫告宰名宰

辯告諸男名書曰某年某月某日某生而藏之宰告閭

史閣史書為二其一藏諸閣府其一獻諸州史州史獻

諸州伯州伯命藏諸州府夫入食如養禮

宰屬吏也諸男同宗子姓

也藏之者以簡策書子名而藏于家之書府也二十五家為閭二千五百家為州州伯則州長也閭史州史皆其屬吏也閭府州府皆其府藏也夫入食如養禮謂與其妻禮食如婦始饋舅姑之禮也○疏曰此經所陳謂卿大夫以下故以名徧告同宗諸男諸男卑者尚告則告諸父可知若諸侯絕宗則不告也○養去聲世

子生則君沐浴朝服夫人亦如之皆立于阼階西鄉世

婦抱子升自西階君名之乃降

諸侯朝服玄端素裳夫人亦如之者亦朝服也

當是展衣註云祿衣者以見子畢即侍御於君故服進御之祿衣也人君見世子於路寢此升自西階是自外

而入也凡生子無問妻妾皆在側室

適子庶子見於外寢撫其首咳而名

之禮帥初無辭

此適子蓋世子之弟庶子則妾子也外寢君燕寢也燕寢在內以側室在旁處

內故謂此為外也○疏曰庶子見於側室此以撫首咳名無辭之事同故與適子連文云見於外寢耳○適音的帥入聲凡名子不以日月不以國不以隱疾大夫士處上聲

之子不敢與世子同名

說見曲禮

妾將生子及月辰夫使人

日一問之子生三月之末漱澣夙齊見於內寢禮之如

始入室君已食徹焉使之持餼遂入御

此言大夫士之妾生子之禮宮

室之制前有路寢次則君之燕寢次夫人正寢卿大夫以下前有適室次則燕寢次則適妻之寢此言內寢正

謂適妻寢耳如始入室者如初來嫁時也特餽使此生子者獨餽不如常時衆妾同餽也公庶子生

就側室三月之末其母沐浴朝服見於君擯者以其子

見君所有賜君名之衆子則使有司名之擯者傳姆之屬也君所有

賜者此妾君所偏愛而特加恩賜者故其子君自名之若衆妾之子恩寵輕略者則使有司名之也○疏曰前

文已云適子庶子見異於世子今更重出庶人無側室者以前庶適連文故此特言庶子之禮

者及月辰夫出居羣室其問之也與子見父之禮無以

異也問之之禮與執手咳名之事欽帥記成凡父在孫

見於祖祖亦名之禮如子見父無辭應氏曰辭者夫婦所以相授受也祖

尊故有其禮而無其辭

食子者三年而出見於公宮則劬

食子者士之妻

大夫之妾也子三年則免懷抱故食者出還其家見於公宮而告辭則君必有賜的者有賜以等其的勞也○

食音嗣上勞去聲

大夫之子有食母士之妻自養其子

食母乳母也士

卑故自養○食音嗣

由命士以上及大夫之子旬而見

註讀旬為均謂適子

妾子有同時生者雖是先生者先見後生者後見然皆在夫未與婦禮食之前故曰均而見也○應氏曰子固

以禮見於父父則欲時時見之又不可瀆故每旬而一見之若庶人則簡略易通故不必以旬而見今詳二說

俱可疑闕之可也○上工聲旬音均

冢子未食而見必執其右手適子庶

子已食而見必循其首

疏曰此天子諸侯之禮未與后夫人禮食而先見冢子急於正

也禮食之後乃見適子庶
子緩於庶耳○食如字
子能食食教以右手能言男

唯女俞男鞶革女鞶絲
食飯也唯俞皆應辭鞶小囊盛
悅中者男用韋女用縵帛○上

食與註如字下食音
嗣唯上聲飯上聲
六年教之數與方名七年男女不

同席不共食八年出入門戶及卽席飲食必後長者始

教之讓
數謂一十百千萬
九年教之數日十年出就外

傳居宿於外學書計
數日知朔望與六甲也外傳教學
之師也書謂六書計謂九數○數

上聲九
衣不帛襦袴禮帥初朝夕學幼儀請肄簡諒
數如字
禮曲

曰童子不衣裘裳不以帛為襦袴亦為太溫也禮帥初
謂行禮動作皆循習初教之方也肄習也簡書篇數也

諒言語信實也皆請於長者而習學之也一說簡者簡要謂使之習事務從其要不為迂曲煩擾也○襦音儒衣去聲亦十有三年學樂誦詩舞勺成童舞象學射御為為去聲

樂八音之器也詩樂歌之篇章也成童十五以上象說見文王世子射謂五射御謂五御也六藝詳見小學書○朱子曰酌卽勺也內則曰十二而冠始學禮可以三舞勺卽以此詩為節而舞也

衣裘帛舞大夏惇行孝弟博學不教內而不出

始學禮以成人

之道當兼習吉凶軍賓嘉之五禮也大夏禹樂樂之文武兼備者也孝弟百行之本故先務惇行於孝弟而後博學也不教恐所學未精故不可為師以教人也內而不出言蘊畜其德美於中而不自表見其能也一說謂不出言以為人謀畫○冠去聲衣去聲音悌三十而百行行去聲畜許六切見音現為人為去聲

有室始理男事博學無方孫友視志

室猶妻也男事受田給政役也方猶

常也學無常在志所慕則學之孫友順交朋友也視志視其志意所尚也○孫去聲

四十始仕方

物出謀發慮道合則服從不可則去五十命為大夫服

官政七十致事凡男拜尚左手

朱子曰物猶事也方物出謀則謀不過物方物

發慮則慮不過物問何謂不過物曰方猶對也比方以窮理

女子十年不出姆教婉

婉聽從執麻枲治絲繭織紵組紃學女事以共衣服觀

於祭祀納酒漿籩豆醢醢禮相助奠

十年不出謂十歲則恆處於內也姆

女師也婉謂言語婉謂容貌司馬公云柔順貌紵繒帛之屬組亦織也詩執轡如組紃之制似條古人以置諸

冠服縫中者○姆音茂婉音晚臬音徙徙音徙朮音諸本誤從
木治平聲紉女金切組音祖紉音巡共音恭相去聲條
音叨縫去聲十有五年而笄二十而嫁有故二十三年而嫁

聘則為妻奔則為妾凡女拜尚右手

十五許嫁則笄未許嫁者二十而笄

故謂父母喪妻齊也妾之言接言得接見於君子
不得伉儷也尚左尚右陰陽之別○別必列切

禮記集說卷五

謹案第二十頁前五行亦無合共一時祭享之禮
刊本共訛其今改

第二十七頁後八行陶匏亦器之質者刊本器訛
氣今改

第三十四頁後八行故夫死不嫁刊本嫁訛稼據
注疏及各本改

第五十頁前六行冬多鹹刊本鹹訛鹹據注疏及
各本改注同





總校官庶吉士 臣張能照

校對官檢討 臣盧應

謄錄監生 臣呂永安